


原 5
ル 5
3537
56



1878
87



特

門 5
號 3537
卷 56

續纂揚州府志卷之二十二

藝文志上 書目 據各屬志書及採訪所得擇其書名雅馴者登之原書不及盡見時代先後

間有未詳存俟查考

經部易類

周易知旨 程晉芳撰 雕菰樓易學三書四十卷易餘籥錄二

十卷易話二卷注易日記三卷易廣記三卷周易王氏

注補疏二卷 焦循撰 易言 朱澤灃撰 易圖解易觀剛柔相推圖

周易函書 潘昌齡撰 易學纂要二卷 徐賦撰 易經注解 丁炎撰 漢

易折衷 詹汝謙撰 貫四十卷 陳琥撰 周易纂注十二卷 于蔚華撰

六爻提綱一卷 家濟撰 周易諸卦合象考周易互體卦變



考任雲周易三極圖貫十卷周易爻辰貫二卷馮道周

易方圓圖說王峻周易緒論一卷周彝周易彙參董楚

周易舊疏考正一卷劉毓周易彙要袁青虞氏易象彙

編諸家易象別錄周易卦象集證周易互體詳述周易

卦變舉要各一卷方申易象管窺曹堅雜卦傳釋周熙

經部書類

尚書今文釋義程晉尚書古文說李惇書古訓三卷阮

書孔氏傳補疏二卷禹貢鄭注釋二卷書義叢鈔

四十卷焦循尚書古文證疑孫喬尚書考證孫齊禹貢

圖考丁曉尚書舊疏考正一卷劉毓尚書先儒遺論吳

禹貢班義述三卷尚書歷譜三卷成蓉尚書正義校

補曹堅

經部詩類

毛詩三條辨李惇詩古訓三卷阮元毛詩鄭氏箋補疏

五卷毛詩地理釋四卷毛詩鳥獸草木蟲魚釋十一卷

陸璣疏考證一卷焦循詩意存王箴詩疑筆記四卷夏

讀毛詩記黃承四始品目論潘昌齊魯韓三家詩釋

端朱士詩經釋義二十卷江懋毛詩辨證吳慶韓詩內傳

徵四卷宋綿毛詩鄭讀考張荔毛詩舊疏考正劉毓

經會要董楚毛鄭詩攷異薛壽

經部禮類

禮記集釋程晉芳撰明堂考辨考工車制考李惇撰周官徵文

汪中撰禮記鄭氏注補疏三卷焦循撰周官析疑二十卷黃承

吉撰儀禮補疏劉台拱撰禮論畧抄一卷凌曙撰考工戴氏車制

翼儀禮補釋江藩撰祭法考鍾襄撰郊社考中旦考潘昌禮撰

記訓纂四十九卷朱彬撰月令通義孫應嘉撰周禮輯疏六卷

吉容撰周禮注疏獻疑七卷許珩撰冠昏喪祭類編薛京撰增

補周禮義疏黃佐撰禮經彙編儀禮周禮本末說楊繩祖撰三

禮異同考證十四卷汪錚撰儀禮瑣辨常增撰釋服二卷宋

初撰大戴禮記補喪服答問紀實汪喜撰禮荀撰舊疏考正疏劉

崧撰宮室考一百二十卷唐允恭撰

經部樂類

樂縣考二卷江藩撰今樂舉隅洪人驊撰樂律全書吳中憲撰琴旨

喬煜撰自遠堂琴譜十二卷吳杠撰

經部春秋類

左傳翼疏程晉芳撰左傳通釋李惇撰春秋指掌春秋類傳朱

撰春秋餘論魏琬撰春秋長歷十卷陳厚撰春秋傳杜氏集

解補疏五卷焦循撰春秋意存王箴撰春秋左氏通解賈田撰

春秋釋例辨管粵秀撰春秋左氏傳讀本正誤張宗泰撰公羊禮

疏十一卷公羊答問二卷春秋繁露注十七卷凌曙撰讀

左筆記夏味撰春秋三傳合參徐英撰左氏一得何煨撰左傳

舊注疏證八十卷左傳舊疏考正八卷劉文淇撰左傳釋地

范士齡撰三傳異同考證十四卷汪錕撰春秋大始末李年

春秋朔閏考並表十六卷羅士琳撰春秋三傳合編袁青撰

經部孝經類

孝經義疏補九卷阮福撰

經部四書類

大學石本疏周漁撰四書音義辨訛二卷朱宗光撰論語何氏

集解補疏三卷論語通釋一卷論語地里考四卷孟子

正義三十卷焦循撰大學補傳說孫喬年撰校正四書釋地顧

撰毛氏四書說斥妄洪人驊撰四書辨是是三十八卷編年徵

實通攷二十六卷高士倫撰四書辨訛四卷劉應蓮撰四書通辨

十二卷余文焜撰四書典故考辨十二卷戴清撰四書說苑十

卷補遺一卷孫應科撰四書經注考證黃洙撰四書語錄拾遺

詹汝誠撰論語正義二十四卷劉寶楠撰大學古本薈參胡泉撰四

書類考八十卷四書引經備考四十卷唐治瀄撰四書經注

集證二十四卷汪廷璣撰

經部經解總類

經學晰疑經書釋制趙秉忠撰六經辨疑楊景濂撰經說雜錄宮麟

撰經傳攷證八卷朱彬撰經傳釋詞十卷王引之撰夢咳堂經

說黃承古撰彊識編八卷朱士端撰解經朱謙服撰經注日鈔徐英羣撰
經釋地十卷戴清撰經義條辨何融撰文梓書屋經訓詹汝撰

經部小學類

釋繪一卷小學鈎沈十九卷任大椿撰說文引書字異考李惇撰

字詁義府黃生撰爾雅注疏本正誤一卷張宗泰撰隸經文

四卷爾雅小箋三卷江藩撰小學補注賈棟撰方言補校一

卷劉台拱撰考訂爾雅音義史致儼撰爾雅集證汪夢桂撰蕙稗釋一

卷汪光燾撰爾雅補疏粵西金石錄劉玉麀撰拾雅六卷夏味堂撰拾

雅注夏紀堂撰說文校定本宜祿堂收藏金石記朱士端撰山石

金石志夏寶晉撰楚詞正音四卷羅詠撰小學珠塵集徐賦韻撰

學考辨徐英撰爾雅音義辨明何衍宗撰荆花書屋金石錄毛瀚撰

揚州金石記金石話田溥撰爾雅旁證八卷汪懋鈞撰說文

答問疏證六卷文選古字通十二卷薛傳均撰韻辨二卷戴清撰

韻辨一卷汪際昌撰釋穀漢石例劉寶楠撰漢簡牘字陳輅撰小

學駢支八卷田寶臣撰韻學津要十三經字音訂訛朱晴嵐撰說

文證義楚詞正韻顧驥撰文選古字通續薛壽撰古字大觀

夏玉撰諸聲補逸爾雅集注宋保撰淮南子高注釋音祁式璟撰

草木鳥獸蟲魚多錢鏞撰續方言疏證六卷沈齡撰切

韻考李勣撰爾雅古注葉蕙心撰切韻表成蓉鏡撰十二硯齋金

石過眼錄十二卷汪鑿撰

史部正史類

史記引書字異考李惇撰 舊唐書疏證新唐書天文志疏

證乙部考日長編質疑刪存張宗泰撰 史記質疑宮為坊撰 正統

通志黃文暘撰 史記正誤一卷戴清撰 三國志補義康發祥撰 舊唐

書校勘記六十六卷劉文淇等撰 史學正訛趙冠三撰 前後漢書

附註三卷蔣超伯撰

史部雜史類

吳越備史注二十卷任大椿撰 國語補校一卷劉台拱撰 竹書紀

年集證逸周書補注陳逢衡撰 項羽王九郡考一卷十八王

分地考二卷劉文其撰 淮張遺事夏荃撰

史部史鈔類

史學辨疑朱爾遠撰 帝王世系錄李光國撰 識小錄郭昂撰 歷代紀

年便覽卜樹撰 新舊唐書合鈔張宗泰撰 通鑑甲子提綱吳本錫撰

歷朝識小錄劉金殿撰 漢魏識小錄王希蘭撰 唐書撮要宋史撮

要明史撮要薛科聯撰 腋史徐溥撰 歷代紀元薛樹聲撰 三通摘畧

讀史筆記袁青綴撰 論史芻言于曉春撰 讀史論畧于暹春撰 三通衷

畧劉國柱撰 通鑑識疑二卷李榮撰 國策輯要馮道立撰

史部政書類

淮揚治水或問朱四輔撰 導河議上下篇王念孫撰 下河水利圖

說二卷劉台拱撰 下河水利說一卷劉台拱撰 救荒策單乾社撰 從政

摘要顧仙根撰作吏九規仲履撰治河議一卷解鼎撰待用編李祖

河編年紀要河工備考王營減壩說畧皖江武備考略

除蝗備考袁青初撰治河紀畧宋綿初撰淮黃策畧潘慶齡撰江河伏

流編儲洵撰淮揚水利圖治水論攻沙八法束水芻言七

府水利全圖東臺水利議馮道立撰

史部傳記類

稽往錄施朝幹撰歷代官制考李惇撰忠孝類四卷徐文元撰元祐

黨籍傳略喬億撰國朝漢學師承記八卷宋學淵源記史致儼撰寶應

二卷經師經義目錄一卷江藩撰歷代郊祀考嚴撰寶應

人物志朱克生撰漢儒考鍾襄撰真州耆舊錄張安保撰國朝名

臣言行錄經師言行錄尙友記汪氏學行記汪喜荀撰寶應

耆舊傳續循吏傳節婦志范士齡撰兩廡先賢考略王世豐撰兩

漢貲臣考吳中憲撰尙友錄黃兆萱撰寶應循吏續志王希蘭撰圍城

日記楊亮撰淮海見聞錄廣陵舊事廣陵近事金長福撰勝朝

殉揚錄劉寶楠撰思古隨筆汪廷儒撰揚城殉難錄劉文淇撰吳孫

莘老年譜林撰太學坊表四十五卷朱百谷撰繼志錄一卷

史部地理類

揚州足徵錄一卷邗記一卷焦循撰寶應名勝紀畧二卷

劉中柱撰 新疆道里圖表纂修揚州河渠志 貴徵撰 揚州北湖

續志六卷 阮先撰 虎門攬勝 仲振履撰 後漢洛陽宮室圖考四

卷 阮常生撰 寶應圖經八卷 劉寶楠撰 蒙古道里考 楊亮撰 揚州水

道記四卷 劉文淇撰 東洋海口圖東洋入海圖 馮道立撰 江北運

程楚漕江程 董恂撰

史部譜牒類

姓氏譜 李光國撰

子部儒家類

性理纂要歷代理學名臣贊 朱爾遠撰 炳燭篇 王有容撰 稽古餘

論 王凝撰 自警篇 朱宗光撰 性命古訓論語孟子論仁論 阮元撰

儒行錄 王豫撰 五常圖說 宮麟撰 困學管見 楊桐撰 日省錄 喬

撰 性理摘要四卷 王對撰 彊識編檢身錄 朱士端撰 性理約言

下之撰 性理詮微 高炎撰 朱陸異同辨 韓夔撰 日省錄聖學近

求錄 徐廷珍撰 庸行錄 潘輔之撰 陽明書疏證四卷陽明經說拾

餘一卷經說弟子記四卷 胡泉撰 闢邪論二卷 朱晴嵐撰 讀書

解義 朱毓楷撰 聖賢傳心錄正氣編 宋繼璟撰 慎思錄內外編 袁

綬撰 身體力行篇二卷 鄭鉉撰 困知錄 宋綿初撰 願學編 程應佐撰 歷

代先儒遺論十二卷 吳兆松撰 義方撮要一卷 姜克用撰 太極衍

義我師錄困學編 成蓉鏡撰

子部雜家小說類

西矇叢話喬萊撰 喻林餘年選述宮夢仁撰 志遠堂新編吳崇先撰

順時錄張符撰 楚湘雜記李棟撰 秋槎雜記一卷劉履南撰

日記劉中柱撰 山左筆記一卷阮鴻撰 厚庵家訓王凝撰 讀書雜

志十種王念孫撰 里堂道聽錄五十卷焦循撰 易林考證太元

靈曜陳本禮撰 穆天子傳注山海經彙纂博物志考證陳逢衡撰 秋舫日記朱克

說苑新序正誤一卷經史管見四卷戴清撰 雨窗記所記雨窗隨筆

明世說新語王氏法言王豫撰 淮南子補校一卷劉台拱撰 顏氏家訓

巾箱勝錄李基簡撰 夏小正集解顧問撰 思生錄趙開雍撰

讀坐春齋紀聞稿徐源撰 甲乙紀災夏振采撰 咫聞集益與觀編洪

暮齒宜鑒錄喬億撰 格言雜學六十卷李挽河撰 讀書識小錄孫齊撰 詒謀錄袁

喬氏家訓喬邁撰 念齋雜著念齋家言陳收撰 花雨軒隨

筆李詩撰 茗爐隨筆顧大信撰 雙筆齋隨筆李鳴撰 硯北筆記楊

春軒漫筆二卷陳傳洛撰 灌花叢談補讀書齋外史上曉撰

研秋堂雜著劉彥矩撰 螢窗雜說張平江撰 雨齋管見錄夏椿齡撰 碧

香吟館筆談二卷阮充撰 知退齋筆記朱士端撰 問鸚草堂雜

志四卷黃家幹撰 退庵筆記十六卷夏荃撰 匏尊老屋經史紀

餘王輔撰 景堂隨筆二卷鄭鉉撰 學庵三述李福祚撰 孤兒編汪喜

石砧從政餘譚扁志錄于蔚華撰 古人體制摭言張春雷撰 說

小七篇陳輅撰 見聞錄省心錄楊贊勳撰 過庭餘聞四卷陳時升

時泰 真州所知記 陳泰撰 荆花書屋雜著四卷 毛夢蘭撰 雲川

閣隨筆六卷 徐玉舉撰 之宋日記 宋厚鑿撰 談苑 吳中憲撰 小醉經室

筆記 徐廷珍撰 日耕齋筆記 田溥光撰 含暉軒記事一卷 姚九如撰 蔗

塘隨筆二卷 黃兆宣撰 夢花雜志 李澄撰 淶洋小記 王開益撰 昧行

齋隨筆一卷 汪秦撰 讀書隨筆二十卷 劉文淇撰 趁閒錄 薛國慶撰

博能叢話 羅士琳撰 小墨莊隨筆續筆 金長福撰 五行輯要 馮道立撰

京華雜記 詹汝誠撰 海安古今錄 王華封撰 贊社餘聞 茹泮林撰 禮堂

隨筆 朱百順撰 皇極經世精義 丁兆壽撰 澄觀錄 王蘊品撰 蠡言撮要

馮起鳳撰 改堂閒話 陳萊有撰 甘棠小志度隴記 董恂撰 南行紀程

一卷 蔣超伯撰 小琅環叢記 阮福撰 十二硯齋筆記 汪登撰

子部法家類 駁案新例恭紀 詹諧撰 刑部彙案稿 徐玉舉撰 爽鳩要錄 蔣超伯撰

子部兵家類 平閩紀 楊捷撰 陣圖紀畧 戎捷撰 兵法輯要 于曉春撰 左氏兵法

集證二卷 戴清撰 同仇集礮說分類 馮道立撰

子部農家類 課耕錄 俞針撰

子部天文算法類 開方通釋一卷里堂學算記 焦循撰 二十一史日食徵唐

冬夏兩至攷宋遼金元朔閏攷 張宗泰撰 星毯地毯圖說 沈鈞撰

撰 算法指歸魏殿宣撰 句股雜記范持撰 句股截積和較算例

句股容三事拾遺三角和較算例弧矢算術補四元玉

鑑細草四元釋例演元九式臺錐積演算學啟蒙疏釋

交食圖說舉隅坤輿圖法增廣新術春秋朔閏異同補

綴術輯補淮南天文訓存疑續疇人傳羅士琳撰 益古演段

開方補一卷焦廷琥撰 算法晰疑于震撰

子部醫家類

種痘書醫說焦循撰 醫林喬煥撰 本草集要八卷羅詠撰 燮堂

醫案楊燮堂撰 醫學指歸二卷趙術堂撰 醫林吳中憲撰 本草纂要曹

賜醫話三卷曹懋心撰 保嬰撮要李德禮撰 醫學真詮汪熊撰 醫學

切要李朝光撰 運氣辨痧病辨陸儔辰撰 傷寒明理論贅語陳翰

萬方滙覽八卷韓鳳儀撰 半吾堂醫方孫應科撰 晚香樓醫林集

成八十卷靈素難經補注十二卷脉理辨微四卷傷寒

瘟疫條辨二十四卷于暹春撰 種痘條辨瘟疫會解治痧十

法馮道立撰 喉方集解朱宜撰 注釋本草綱目張杏林撰 痘科金鏡

錄詳注四卷俞天池撰

子部藝術類

卜筮論李惇撰 書畫所見錄阮亨撰 李耳山畫山水記二卷

李志撰 柔翰雜記喬光會撰 書畫要言錄湯之桂撰 畫解隨筆畫論

張春撰 地理局法魏殿宣撰 石鼓齋印譜張肇岑撰

雷撰

子部類書類

叢書樓目錄馬日瑄馬石研齋書目二卷秦恩復編玉海訂

正任基振撰經史類纂一百二十卷李挽河撰月令粹編秦嘉謨撰古

逸書十種林編高密遺書十八種黃夔編麗瀟誓錄十四

卷窺豹集二卷榕堂續錄四卷南澗楷語八卷蔣超伯撰

子部譜錄類

泉志三十卷江德量撰古泉考八卷黃文暘撰花木小志錢式圖

阮亨撰圓錢所見記王輔之撰

子部道釋類

陰符經注李光弼撰列子釋文考異一卷任大椿撰養生主宋繼

集部別集類

石崖遺集朱克簡撰禪喜外集孫宗彝撰貽清堂存稿王有容撰蜀道

吟覆瓿集宗書撰野鶴集伴還堂詩鈔郭昂撰綠綺堂文集

黃升撰匏葉山莊集履尾吟樂府駢體朱辰撰蘭渚浮山西

溪諸集繆沅撰攝山偶吟之吳偶吟受軒苦吟伍起撰日永

堂文集王安國撰小樓詩集八集王嵩高撰妙契詩鈔朱端撰經遺

堂集二十六卷韋佩金撰寄安集張延樞撰靜敬堂詩文集宮壽平撰

愛日堂詩集徐景撰聊且稿蠹餘集經綸撰玉樵詩鈔八卷

李文瑛撰吳州文集陸舜撰嚴庵詩鈔李瀚撰編年詩各體文過

嶺集鄧漢儀撰楓山詩集杜光先撰戲綵堂詩集賈國維撰覆餘集張世

藝文上

自長吟詩依歸草天傭子集張符撰定齋詩鈔李光撰雙

桐閣詩草李仙榜撰后山詩集燕喜堂初讀文集任陳撰秋墅

詩文集趙忠撰憶舊感秋吳陵竹枝詞各一卷俞培撰苧村

詩鈔二卷任大椿撰勉行齋文集十卷載園詩三十卷程芳撰

容髯遺稿阮金堂撰雲山小稿春雨樓集程名世撰蕪村詩二卷

汪光李氏詩文集十二卷李惇撰桂籍軒詩吳崇先撰黃山紀

游草三卷李天祚撰舟車前後集三十卷陶澂撰擁萬堂詩文

集朱四輔撰東海草堂文集袁繼鳳撰白田布衣集異香集王巖撰

樵青集黃雲撰陋軒詩十二卷詩續二卷吳嘉紀撰焚餘稿宗元撰

竹石長年軒集七卷小香詞二卷宗元撰余先生詩鈔

余元龍津草堂集顧符撰香葉草堂詩存羅聘撰翠雲閣詩

餘吳均撰厚庵存稿王凝鼎撰花萼堂文集王旦撰楮堂集喬崇讓撰

昌志堂詩文稿繆集撰蘊真堂詩稿繆樞撰天心閣吟草孫中撰

雙梧亭詩稿夏葆春撰一勺集施朝幹撰岸堂詩文集王懋謙撰抑

夫詩集王懋撰菘韭山房詩集春柳吟賈棟撰吳越游草朱雯撰

穉硯堂編年集怡雲詞宗之撰遜庵詩集田狩龍撰梅花書

屋詩一卷林閔撰草堂續詠伍元撰輓莊雜著文古山紀年

詩卞蔚撰梅鶴詞四卷江昱撰自怡集四卷施朝樾撰友棠詩稿

張本二分明月詞李必撰梅花書屋詩鈔二卷徐源撰珠塵

集李國撰佛香居士詩鈔湯應龍撰按前志有借樹厝

蘇集佛影集朱賽撰客浦詩鈔喬大鴻撰江行詩聽猿集趙開撰

聞好軒口吟六卷宮鴻撰小山草堂詩王孫晉撰按前志有南游詩作王

孫進撰即含英閣詩餘鄭績熙撰按前志有三峯草

冬榮館詩無盡藏書屋詩朱宗大撰春草堂詩集四卷陳實撰

映東詩鈔朱江撰素庵集李漢撰松齋詩鈔任基撰小紅詞朱撰

撰丁亥詩鈔王念孫撰安事齋詩錄四卷詞錄二卷貴徵撰遂

園詩文鈔夏味堂撰享帚詞三卷秦恩復撰經餘書屋詩鈔八卷

沈在延撰星槎游草劉台斗撰蟄室集四卷阮鴻撰燮齋詩集八卷

詞一卷程贊和撰研經室續集十一卷再續集六卷外集二

卷文選樓詩存五卷阮元撰不休編周虹撰雕菰樓集二十

四卷詞三卷焦循撰蓮溪文鈔顧同根撰按前志有半

人瘦仙遺草李天徵撰求當集張鏐撰偶寄堂詩鈔一卷吳文傑撰

清華堂詩文集十卷石椿撰志學齋稿汪夢桂撰據梧書屋詩

鈔十六卷詩餘六卷汪端光撰一草亭古文楊景連撰問天樓集

唱和新編陶蔚撰心安穩室詩詞集詹肇堂撰冬巢詩集八卷

汪潮生撰艾塘樂府一卷防風館詩二卷李斗撰夢陔堂文集

十卷詩集五十卷黃承吉撰文杏軒全集張宗泰撰珠湖草堂詩

鈔春草堂詩文詞錄阮亨撰乙丙集二卷炳燭室雜文一

卷江藩撰三十六湖漁唱王寬夫詩集小言集詞宜畧識

字齋雜著王敬之撰鐵孟居士詩稿汪全泰撰自此以青

門小稿一卷汪頤撰樵貴谷集吳仁趾撰蘭樓集方椿齡撰蛾術山

堂集張益撰蜀遊草一卷隱霧山房詩集二卷汪涪修撰三瞻

草堂詩集二卷詩餘一卷王國連撰墜心吟草一卷魏之東

坪詩鈔一卷李禧撰昂青山房詩稿陳先疇撰偶吟草一卷伍

駙江玉屏詞江立撰蚓簫僅存三卷洪人驊撰雲岩集納瓢吟

無聲集程鳴撰叢綠山房遺稿吳鵬孫撰問航遺詩一卷余瀛

元圃九秋吟晏德官撰邃船詩鈔一卷吳方夔撰陋巷集卜賢撰武

林游草古香齋詩鈔項均撰存質集張湖撰芋圃詩集黃咸

眷西樓詩集黃師鈇撰仰雲樓詩集荆江文鈔黃敏撰小畫山

房詩集團維撰誠一堂集三卷陳詩撰藉綠軒詩集六卷程

清小雲吟館詩鈔阮常生撰梅溪遺稿吳珩撰薑村遺稿撰

遜齋詩文稿卜萃撰延禧堂集二卷陳傳洛撰日光齋詩文集

陳傳竹翁詩鈔二卷陶穴吟一卷許璇撰信口吟一卷汪基

雙柑書屋詩鈔戴宇撰晚香吟一卷劉沛生撰秋水居詩鈔

一卷王澄撰雪髯詩鈔四卷方宜撰桂庵詩鈔一卷江志來

矩齋詩集四卷黃盛修撰雪門詩贖四卷萬宗洛撰敬塵館詩存

四卷卞維城撰篠濂軒詩草吳瀾生撰借花小室詩鈔和陶百詩

斷梗吟栖塵集幸存稿衡游草厲同勳撰停琴館詩存阮先

聲遠堂文集四卷舍是集十卷續集二卷王翼鳳撰雲莊詩

鈔三卷北湖竹枝詞一卷阮充撰鐵研山堂詩文稿十二

卷吳鑑 月底修簫譜二卷 朱鑑 味真閣詩文鈔晚翠軒

詩鈔張安 書帶草堂古今體詩五卷詩餘三卷 鄭煥南

淙賦館吟草二卷 方松 我園詩鈔一卷 王顯 桐研山館

詩鈔二卷 戴錚 紅椒山館詩鈔芥園詞稿 童正 寡過齋

詩鈔二卷 姜恩 秋澂閣詞一卷 詹鐸 秋蓮子詞三卷西

御詩存一卷暫園集一卷爪雪集一卷焦山紀游草一

卷圍城詩一卷 王僧 漱薑詩草 陳棟 芙仙館詩一卷淮

海萍蹤集二卷袁江題襟集一卷吳興唱和集二卷 承

列 問鸚草堂詩鈔二卷 黃家幹撰 自汪頤至 柳溪詩

隅 茅之 公車草 賈珩 玉笛樓詩文鈔 茅俊 李萬侯集 李

撰 澤畔吟 龍武 雷門懷古小草 孫全 斐園詩鈔 夏元 映

珠草堂詩鈔筆山吟稿 孫全 鼎頤詩集 羅詠 老餘詩鈔

劉寶 易簡書屋詩存剩紅詞草 李本 古茶移遺文 夏紀

晚芳詩集湖陰草堂遺稿 金蘭 碧虛齋吟草八卷 宋茂

擁褐吟 李廷 星輝閣吟稿 景濬 古香堂詩文鈔 高福

村集 萬學 願學齋詩 吳兆 望雲集 徐聯 冷香吟社剩稿

周敏 冬生草堂文錄淮海浮家集仕國弦歌錄遂椽詞

琴隱詞湖中明月詞 夏寶 雨窗詩文存 周敘 槿花村詩

詞 夏崑林撰 自茅之前 軒邱道人詩文集 顧土 燕游

玉霏集 李名 鶴來草堂集 朱國 祺壽堂集碧浪山房集

籠鵝道人草李法撰 遠帆詩集李浦撰 東皋集醉娛集王待撰

鳧湄詩集李流撰 霞表閣文集李汝撰 勿齋詩集王熹撰 篋中

吟稿陸申撰 香雪樓詩文詞賦集李時撰 玉晨文集芷林存

稿李東撰 咸園集山響集宗觀撰 東巖詩集陳一撰 達園草陳五

倫念齋詩集 陳收夢萱堂稿 顧大變徵堂詩集 白華堂

詩集宗乘撰 白齋詩鈔語石山房詩草徐鎔撰 約社詩集李恢

蔚園詩集劉宗撰 欲留集王槐撰 採釀集薛允撰 青棠軒詩

未學吟詩稿顧名撰 老息齋詩鈔解博撰 仍庵詩稿

坐花草堂詩文集李鳴撰 逋叟詩鈔考堂雞肋集袁視

晴空閣詩鈔薛衡撰 舟中吟趙秉亮撰 曉傳堂詩集臧燦秋

吟閣詩鈔楊為撰 籀園詩詞鈔卜嵩撰 蒼巖詩文集濟陽花

墨雨樓詩鈔黎田撰 掛旭山房詩草李步撰 嬰

餘詩鈔徐步撰 續亭詩鈔黃考撰 約領詩鈔黃駢撰 彥湘詩鈔

春帆吟草任蕃撰 感舊吟穉曾詩鈔薛聯元撰 楓亭詩鈔

木樨館詩鈔陳多士撰 九秋吟草徐中行撰 簡堂詩鈔鄭坤撰

竹賓詩鈔徐甫撰 大酉山房詩鈔徐昶撰 灌書堂詩草徐慶撰

萬怡詩鈔紀荒詩畧顧仙根撰 綠陰書屋詩姚世臣撰 簞簞館詩

鈔無聲詩館詞集顧麟瑞撰 湘雪詩鈔陸世用撰 硯北花南吟草

竹實山房詩鈔趙若館撰 芙蕖館詩草憶舊吟宗臨撰 瑞

石山房詩草陳燕桂撰 清蔭堂詩集楊桐撰 小木樨館詩鈔陳禮

齊子石詩詞稿金德輝撰 沅芷詩文稿趙閱中撰 賓陽詩鈔錢志昂撰

竹軒集陳秉義撰 過江集束鑾撰 小篔簹館詩鈔微雲館詞鈔

顧繼鸞拳軒詩賦文鈔顧繼華撰 梅花書屋詩稿錢作孚撰 自顧士

吉至此據興補庵詩稿王有光撰 歲寒堂集喬邁撰 北游草浮

湘草初蘭集紅牙集趙開撰 容安堂詩集喬蓋撰 疑庵詩集

八卷喬出撰 陸舫集喬伊撰 封山詩稿范特撰 河柳園詩范新撰

蘧浦詩稿湯輝撰 所好軒稿劉中撰 吟松稿雪屋詩集鄭乾撰

寫心集陶震撰 淮南詩草梁柱撰 冷吟集喬兆撰 一枝草堂詩

峇王碩撰 一佛居士詩鈔苗莊撰 獨寤齋集喬混撰 竹樹吾廬

集葵花庵稿蜀道集賜閒續稿喬鐸撰 春風第一山堂詩

稿朱之撰 漱石山房詩鈔湯景曾撰 水語山房詩郭東撰 嵐亭詩

集黃觀撰 雪畔集黃豫撰 佳日堂集劉枚撰 仔熙書屋集潘夢舉撰

餘亭詩鈔潘學徐撰 酬青集王頤撰 甘荼集朱臣撰 在原草王箴撰

箴翼粟亭詩文集王箴撰 季亭偶吟王箴撰 卜晝堂詩集湯賓撰

石谷吟稿朱三從撰 東軒詩鈔喬漢撰 芟莊詩鈔胡鹵撰 樸學

堂詩鈔王箴邵撰 儲齋詩鈔劉穎撰 吳陵游草雲間游草潘昌齡撰

豫東草粵東草焚餘草雲樵詩鈔雲樵詞鈔湯之桂撰 晚薌

詩存四卷王斯恬撰 瘦生詩鈔王斯愷撰 意園草王斯惇撰 適性草堂

詩朱超撰 藥房詩鈔湯祁撰 松筠詩鈔成光化撰 愛荆堂詩集吳自撰

強知谷詩草鄭恂撰 秋巖偶存稿喬標撰 碧峯堂詩鈔劉日杏撰

野亭詩鈔喬煥撰 湖干草堂集顏嶠撰 味閒吟從科撰 珍木軒

詩二益山房吟稿醒園詩稿夢麟書屋詩稿朱毓賢撰 香巖

詩鈔朱靜撰 梅花書屋詩鈔陸向撰 遊道堂詩文集四卷朱彬撰

春及山房詩鈔朱原撰 硯耕堂集王崱撰 歸途草浙游草

潘湘紅桂山房詩鈔徐思勉撰 今月編拾香集樂游草王曉撰

惜陰齋詩文集吳湘珠撰 午亭集繆昞撰 沁香集沁香詞方文炳撰

秋曉山房詩鈔劉讚麟撰 綺里詩鈔劉芝撰 緘石集顏綦撰 研秋

齋集劉彥矩撰 朱文定公集朱士彥撰 補梅詩稿朱傳芳撰 鶴汀詩鈔

娛景堂集劉寶桐撰 軒詩鈔桐軒詞王閏生撰 養花軒詩集成

芹軒偶吟王頤生撰 吉金樂石山房詩文集朱士端撰 七略齋

詩草劉源岷撰 自王有光流香閣詩詞俞澂撰 論古堂

集李拔卿撰 焚餘草劉九皋撰 太乙閣詩劉靖撰 樂天堂稿田毓芝撰 青

棠閣稿十卷田敬錫撰 九雲書院集宮昌宗撰 拄笏樓詩集宮懋撰

清芬堂集二十卷沈龍翔撰 畫樹園稿李于濤撰 西渚集陸與齡撰 招

雲閣集袁爾職撰 餘力集仲蜀巖撰 方生詩集方苞撰 畫厂詩集孫王

驥就園詩集玉紅詞田呂運撰 古希老人集宮煥勳撰 嗜書堂詩

鈔繆永垣撰 靜軒詩鈔霜笳詩稿繆永照撰 目耕居士詩鈔宮為坊撰

三山游草二卷日涉園仿陶詩四卷高鳳翥撰 雙松閣詩稿

沈光樂清堂詩鈔崔宣撰 寶燕堂詩文集八卷詩餘一卷

寶燕堂詩文集八卷詩餘一卷

寶燕堂詩文集八卷詩餘一卷

寶燕堂詩文集八卷詩餘一卷

寶燕堂詩文集八卷詩餘一卷

寶燕堂詩文集八卷詩餘一卷

朱希憇心閣詩草高獻可撰玉笥山房集朱謙服撰綠雲紅雨山

房集紅豆村樵詞草仲振奎撰齧得菜根堂詩文稿虎門紀

游稿仲振履撰貽孫堂文集葛楣撰寄園詩二卷夏震撰天香書

屋文集陳縝撰憶園詩六卷陳燮撰師儉堂文集詩賦雜著

稿葛維煦撰竹所詩詞集吳會撰樵月山房詩文集俞國鑑撰寒翠

軒詩鈔繆承鈞撰西河草堂詩賸葉光蘭撰聲玉山齋詩集鄒熊撰

自俞澂至此據松影閣草程學闈撰舫軒近草仇筠撰長嶺編

周道棲山詩鈔夏雲撰蕉飲集杜蟠撰寄漁詩集陳梅撰研下

稿姜琮撰葦灣詩草金履順撰自程學闈編甌山詩文集

管粵求歉齋文集吳承緒撰閣注文鈔四卷江漣撰澹人詩文

集黃沫撰葆址園詩集景元基撰虛白堂詩鈔晏能遠撰求是齋詩

文集呂彩撰自怡稿吳文濤撰雙柏堂古今體詩八卷古文二

卷駢體文二卷戴清撰埽垢山房詩鈔十二卷黃文暘撰讀騷

樓詩文集陳逢衡撰春麟集何錫溥撰玉樹軒詩鈔二卷汪棟撰心

壺詩鈔楊繩祖撰榕莊詩文集六卷史致儼撰演行草一卷淮陰

旅草一卷鶴樵文集二卷陳師慶撰真想齋詩稿李佳言撰汲綆

書屋詩文稿潘慶齡撰荆花書屋詩文集十六卷毛夢蘭撰竹如

意齋詩選四卷詩餘一卷汪全德撰且住庵詩文稿汪喜荀撰嶺

海梁園魯山等集鄭鑿撰蘊桂山房詩集晏行忠撰梓香書屋

詩文集詹汝謙撰苦吟集詹汝誠撰日新樓詩集劉銘撰吳文節公

集吳文石蘿山房詩鈔張維茗香齋吟草一卷徐玉

華仙館詩二卷學讀書齋詩二卷裁雲館詞二卷高載

退思齋詩集雲撰蘭馨堂詩文集吳延蜜梅花館詩文

鈔焦延洗桐軒詩文集李周春暉草堂詩集程紹瓣香

書屋詩文集李年鷗寄齋古今體詩八卷江懋香月廊

詩集二卷文汝雄雉齋詩文集六卷顧承桐華館詩鈔

王峻撰香月山房詩存四卷張春橋西一草堂詩集十二

卷黃非臥松書屋存稿程兆茗庵詩文集方震榮根香

詩集潘輔麗則堂詩集吳慶青溪舊屋文集十卷詩集

一卷劉文一枝春館全集十六卷張杏鼠餘詩集宋厚

經訓堂集任槐素翁詩鈔黃晉明志堂集談怡觀我生

室賸稿羅士搜吉齋詠物詩四時雜詠章江游草周鏞

黃梅花館詩文集王漪微吟小醉山房詩鈔符旌劍花

館詩鈔顧驥八分書屋詩鈔顧階雕蟲集半畝園詩鈔

薛樹聲撰旌直堂詩文稿朱灼綠綺堂文集黃巨蘭桂山房

詩稿趙慎古迂詩鈔高忠愛春華館詩詞集金鳴課閒

堂吟稿韓鳳勛堂存稿胡良吳步尹遺稿吳伊劉湘南

遺稿劉芳紅絲硯館詩鈔高筠晚香詩集儲步松蔭堂

詩文鈔李祺雪蕉堂詩草王輔清嘯堂詩草湯治自勉

齋詩集吳鉉深柳書堂詩集八卷退思堂詩集四卷蔚

華嵇庵詩文集十二卷梅植撰真州竹枝詞厲秀撰念樓文

集蘊山樓詩集劉寶楠撰學庵詩文集李福祚撰紅杏軒游草榴

軒詩文集薛國慶撰天心閣詩鈔孫應嘉孫應科撰林東堂詩鈔四

卷吳兆萱撰燕臺入蜀秦隴游草毛瀚撰半螺庵詩存吳文錫撰蝸

隱齋詩集李符俊撰南園草陳理祥撰金陵游草皖游草綠陰山

館吟稿東陶漁唱紅藤館詞鈔喬守敬撰白水詩存胡泉蕭撰

閒集汪在公撰蒙珍室詩文集陳輅撰數帆軒詩集王嘉生撰崇雅

堂詩鈔柏世爵撰陶庵藏稿宋繼璟撰桐月山房詩文集四卷王恂撰

拙齋古文一卷論唐史詩一卷張舒撰紅薇館詩鈔趙煌撰

因是齋詩文集柏影軒詞集程宇光撰意園酬倡集吟秋

館詩鈔思秋吟館詞秦嘯撰拙存詩文集何衍宗撰白茆草堂

詩鈔吳康撰世澤堂詩文集楊亮撰硯胸吟稿談文煥撰仿川詩

集董之醕撰紅蘭山館倡和集少亭詩鈔王希蘭撰小雄雉齋詩

文集顧筠撰歸田詩鈔柏凌霄撰三亭詩鈔李槐撰輞川別墅詩

鈔王華封撰耕山書屋吟草姚輔撰延月軒古文鈔知菜根味

軒詩集汪廷儒撰小築山房詩文集錢青田撰雲伯遺稿芮應鵬撰東

周宮詞吳養源撰碧梧翠竹山房詩草楚游紀事詩袁青綬撰閩

游草一卷薛傳均撰學耨堂文集十二卷晚香亭詩集八卷

徐升撰通義堂文集十六卷詩集一卷劉毓崧撰編年詩鈔竹

葉山房外集常增撰伯山詩文鈔小海山房詠史詩康發祥撰

小墨莊駢文詩集金長福撰停雲軒詩鈔四卷張鴻鼎撰審經書

屋文鈔于曉春撰味心室存稿一卷張錚撰菱蕩閒漁詩文集

朱梅望湖草堂詩鈔王開益撰紅杏山房詩草楊贊撰少泉詩

集田寶臣撰虛白齋詩集二卷劉蕙撰澄川詩文集江廣學撰漢學

堂詩文集田溥撰學詒齋詩文集薛壽撰寄鷗館詩文稿葆

森尙友堂集陸撰營巢文鈔西園文鈔瓣香集庭訓集

馮道鋤經堂詩文集姚九如撰新柳堂小稿胡為霖撰游淮草四

卷游皖草一卷雙梅軒詩文存稿陳時秀撰至此續志各傳

酌鳴秋閣古樂府二卷李天恒撰蜀游草三卷王文範撰西齋集

王仲存齋集李皓撰琢堂詩鈔張璞撰蘊園詩集汪聖清撰學倩

齋遺詩沈勤撰蔚伯詩存汪炳撰紅薇吟館詩鈔張廷弼撰學步

集黃墨莊撰昭關游草一卷林叢桂撰西琴詩草一卷胡廷森撰種瑤

草堂詩草二卷文元星撰陶庵詩鈔倪馥撰說文堂詩集八卷

許之湖陰草堂遺詩金芸撰修竹軒詩張禹書撰漱碧堂詩文

集陸鏡撰聽泉書屋詩文集八卷沈成涓撰椒園詩宋惺中撰鐵崖

詩沈于湘撰胡丙皋遺詩胡丙撰獵微詩鈔汪泰撰王一齋遺集

王世錦倚槐亭詩集西江吟草黃楊書屋詩餘歐陽錦撰愛雲

集張斌撰思齋集張俊撰蓉賓遺草仲蓉賓撰吟秋館詩文集朱樟

撰宜之室詩文遺稿張熙撰今風古月之齋集黃春熙撰鋤月

山房遺稿一卷何涪撰白茅草堂集吳少文撰子久文集錢聘官撰

伯琴詩存潘詠撰 趙東谷集趙春旭撰 崇介堂集徐庭撰 鄭朴子

集鄭之杰撰 王遂延集王藻撰 竹岡詩鈔毓秀堂集撰 春草

堂駢體一卷詩集五卷詞錄一卷謝莖撰 杲生詩稿李聰撰

修竹山房吟草李鳴鳳撰 鳴盛詩集漱金亭詩集撰 李士田

遺稿李吉人撰 鬻衫吟草餘閒小詠李名溱撰 湖上閒吟楊紹管撰

窺吟殷冬榮撰 次軒學吟陳贊元撰 萼亭詩文稿金潤撰 蘭船詩草

吳兆熙撰 碧雲堂詩鈔李國馨撰 灌花翁詞鈔二卷李馨撰 石漁詩

文鈔六卷李文綬撰 兩間草堂詩鈔潘宗藝撰 西園剩稿常海塘撰

上詩鈔三卷于暹春撰 崇古堂文集于震撰 停雲館詩鈔周喬年撰

湖東集四卷范凌震撰 栖心庵遺稿曹原撰 守柰堂詩集鄱陽撰

詩草王壽撰 紅杏軒詩存蔣萬仁撰 夢湘詩草李宗沈撰 蘭陔草堂

詩草王春陽撰 蓮澈詩鈔趙丙撰 愛日吟草二卷王之蘊撰 染青亭

詩鈔四卷吳兆松撰 西野堂詩文集四十卷俞學撰 世澤堂詩

存楊澍撰 安樂窩吟稿詹為琴撰 幽吟集党熙撰 春醒錄詩草党若撰

虹橋詩鈔顧祖德撰 吟香詩鈔崔起球撰 通齋文集二卷通齋

詩集六卷垂金蔭綠軒詩鈔二卷圃珖岩館詩鈔四卷

蔣超伯撰 琴語堂文集詩集李肇增撰 心巢文錄詩錄成蓉鏡撰 瘦菱

花館詩略阮祓撰 棲雪山館詞存黃錫禧撰 嘯雲軒詩集程曉撰

萍綠詞三卷丁至和撰 聚書堂文集詩集丁芳撰 讀史詠古程鼎撰

至此但係續採 雅安書屋詩文集閻秀汪撰 浮生記夢集

閩秀陳繡餘吟草耐寒軒詩鈔閩秀朱寶簪撰唾花閣集王柳東妾

劉舜百首絕句閩秀潘幼桐撰雙清閣詩鈔閩秀沈在秀撰習靜軒詩

閩秀胡弋鳧堂詩鈔閩秀許德植撰幼芬詩稿閩秀徐爾勉撰柔翰堂

恩榮撰詩摘鈔閩秀徐秀林撰澹客詩文鈔顧錫爵妻任氏撰碧紗吟趙祖壽妻魏氏

撰仲仙詩鈔顧麟瑞妻黃氏撰夢白偶吟閩秀劉氏撰林外牧子詩

鈔閩秀潘意撰雨泉庵詩文集閩秀季嫺撰澗南詞和漱玉詞閩秀

許德靜香詩鈔閩秀許蕙撰梅花閣詩存一卷閩秀何燕卿撰黃佩

賢遺詩閩秀黃佩賢撰蘭如詩鈔閩秀葉惠心撰百梅吟館詩一卷張熙

妻阮春雨樓詩鈔閩秀屠玉輝撰鹿苑山房詩僧定初撰幻居詩僧悟

開未篩集僧元徹撰隱峯集僧行演撰幻雲詩鈔僧慧撰香雨詩鈔

集部總集類

廣陵倡和集程夢星編林屋倡酬集馬曰璐編日下麗澤集張符驥編

坡仙石鈔題詠尤蔭編江蘇詩徵一百八十三卷京江耆

舊集王氏清芬錄王豫編梓里詩選十二卷劉中柱編安宜六

子倡和新編朱克生撰白田風雅集朱彬編南村鼓吹集陳本

禮琴言集八卷阮亨編黃壚集黃裕編長嘯集孫穀孫全郊

寶應文徵詩事劉氏清芬集劉寶楠編海陵文徵詩徵夏荃編

海陵詩錄鄒熊編廣陵思古內外編三十卷汪廷儒編高郵耆

舊詩存王敬之周敘同編感舊前後集周敘編北湖耆舊集六卷

阮充 愛吾廬倡和詩 景元編 廣陵名勝詩鈔 孫侃編 孫氏猶

存集 孫應科編 陽山耆舊詩編 東鑿編 鄭氏一家言 鄭乾清編 白田

倡和集 葉燮等撰 雅正集春田紅豆詞叢 符葆森編 真州倡和詩

二卷 團鶴筴編 意園酬倡集 金長福編

集部雜類

離騷注 江嗣珪撰 雕菰樓詩話一卷 焦循撰 杜詩偶評大厯詩

略 喬億撰 李詩臆說 朱宗大撰 施注蘇詩補注 李必恆撰 屈辭精義

急就探奇漢樂府三歌注 陳本禮撰 春草堂詩話 阮亨撰 李昌

谷詩注 王政撰 文選補注六卷 曹堅撰 延禧堂詩話一卷 陳

洛樂府字句譜略詞調今存錄 吳中憲撰 西軒詩話 范士齡撰 小

墨莊詩話 金長福撰 高庵詩話 常州伯山撰 伯山詩話 康發祥撰 袁文箋

正補注 王榮絛撰

附錄

嘉慶揚州府志 嘉慶十五年鹽政阿克當阿督修 揚州營志 道光十年

祖廣陵圖經 嘉慶十三年知府伊秉綬修 江都縣志 嘉慶十六年知

李保泰修 甘泉縣志 嘉慶十五年知縣陳儀徵縣志 咸豐元年

王檢心修 增修高郵州志 嘉慶十九年知州馮馨修 續增高郵州志 道光

三年知州 興化縣志 咸豐元年知縣 寶應縣志 道光二十

左輝春修 泰州志 道光十七年知州王有慶修 東臺縣志 嘉慶二十一年

續纂揚州府志卷之二十一

續纂揚州府志卷之二十三

藝文志下

詩文 前志文皆分類今以所採無多不復分析

揚州五言四十韻

元 鮮于樞

淮海雄三楚維揚冠九州祇今方內屬曩昔號邊頭地
 脈通巴蜀天星應斗牛衣冠唐節鎮茅土漢諸侯國有
 魚鹽利人無水旱憂土宜龍作鏡方物錦為裘柳拂薄
 游騎花迎巡幸舟二分明月夜十里小紅樓人事千年
 改繁華一旦休層城增雉堞勁卒擁貔貅烽火連山暗
 悲笳出塞愁世讎才殞亮麻數已歸周日見降幡出徒
 聞使節留君臣還北渡江海自東流憶創亭臺日嘗從

驄馬遊一鞭辭魏闕兩擢入邦溝郡邑雖初定旌旗尙
未收村空絕烟火路梗亂戈矛幸免爲僮父何慚雜楚
川從軍誠可樂竊祿敢忘羞憲長家聲重諸公德業優
豺狼正當路鷓鴣忽橫秋逋寇咸歸命羣姦亦寢謀山
林無反側道路有歌謳自愧非才傑人間一贅疣五年
司奏牘萬里對宸旒報政多閑暇新詩屢唱酬十宮時
駐馬九曲日盟鷗江遠秋波靜山長翠黛修金焦壯揚
子海氣隔瓜洲登覽風烟勝淹留歲月道家門纏禍變
蹤跡遂沈浮扶護心空切遷除事不侔兩喪俱淺土盡
室向遐陬霜露牽歸夢雲山障淚眸重來猶耿耿往事

總悠悠里巷多新宅交遊半古邱俗隨諸夏變音爲衆
齊咻乍喜尋歸路還悲阻去斡明朝又江湖痛矣別松
楸拙作不敢竊倣作家繆讓遂盡此四幅鮮于樞記

至元癸巳臘月九日

困學老人與松雪翁並時齊名而困學沈著雄放處
似松雪尙遜一籌相傳松雪恐困學之掩其名每講
困學書焚之故傳於今者絕少此無稽之談松雪似
不至此余齋亦祇得兩種一爲草書歸去來詞册現
在逢兒處一卽此卷爲恭兒所藏然册係狂草破空
而行尙不及此之精神融結也道光二十四年歲在
甲辰重陽節福州梁章鉅時年七十鮮于伯機此
卷實爲揚州寶翰梁荏林中丞寶藏元雖見過石刻
本訪之不再見今揚州休園重葺元欲借鈎刻中丞
肯借而覓鈎者無好手懼損壞之未果留觀日久祇
好繳還丙午秋
日揚州阮元識

余往來維揚見其俗奢靡欲折之以道而未能也因設
主客問答之辭合兩都七發之體作爲斯賦以俟後之
君子覽焉其辭曰

廣陵賦 并序

國朝 吳錫麒

客有羈旅維揚關河已霜鴉團團於枯樹雀啾啾於空
倉憬短晷之餘照睇浮雲之薄光孤懷浩蕩獨立傍徨
有逆旅主人過而言曰夫人寡識者慮長勞身者心逸
是故戶樞不蠹而湟潦易溢今子旣頽放其四支又踟
踏於一室則幽憂之疾何以釋諸將與擴川源之覽窮
佳麗之搜履綦前代纂論千秋子能從我遊乎客曰唯

唯於是泥行命屐水行命船侶蘆人而采雪狎戲子而
尋煙西涉方山南臨江壖遂沿艾陵歷姜堰而還焉稅
駕無千里之遠乘潮有一席之便翫薜蘿之在眼樂風
波以忘年主人曰噫嘻異哉子之遊也何獨志耽於寥
落之區而不知身在於繁華之藪乎客曰貧富不相掩
奢儉亦自爲胡九州之大而繁華之在茲子盍爲我言
之主人曰昔夫差之城邗溝也通淮於江地曰廣陵由
來舊矣劉濞繼之而利以阜銅山峩峩紅粟欲朽財賦
之雄克耀厥後逮隋煬帝開山陽之瀆采新宮之圖迷
樓旣成幸乎江都錦帆百尺龍舟千里旌旗蔽虧莫知

煙水加以垂柳垂楊千行萬行腰扶綠瘦眉銜黛長窈
窕兮映殿腳之嬌女飄飄兮拂飛仙之靚妝十宮連兮
笙歌沸四帳啟兮羅綺香臨江光以賜酺陳羽飾以行
觴東都之螢火微到南部之煙花選將但永留乎月觀
亦何恨乎雷塘又有迎仙建樓延和啟閣毬場之燭成
圍錦洞之花不落綵繖玢幽磅唐揮霍喜陳迹之可尋
洵人生之行樂客日偏霸之君五尺羞稱昏淫之主史
册勿榮況復扶民之膏腴民之生酒漿旣已竭毛羽無
弗徵高臺始築而麋鹿畢登雕輦未降而蔓草先繁哀
蟬兮落葉野鼠兮枯藤西風起兮陰燐舞寒雨歇兮漆
燈明笑古人之已拙何後來之代興嗟楠木之氣索孰
沙邱之夢醒取以爲鑑則可矣尙何吾耳之足傾哉主
人曰古來之樂誠無慕乎爽鳩日者之歡宜有羨於菟
裘子不見富室大商通闔帶闐擊鐘鼎食出入連騎耳
聳箏琶舌破甘脆齊紈被於僮僕秦珠飾乎姬侍用無
勿儲器無勿備陋卵畫而薪雕極金迷而紙醉園亭之
勝甲乎四方程巧致功相陰度陽轉洞房而景入俯曲
室而霞藏亞花當以裁牖隙蜂腰而嵌廊與夫奇木珍
石名葩秀篁文鱗淬錦嬌鳥約簧圖之莫能盡言之莫
能詳取樂今日何憂太康客曰嗚呼吾今而知揚之爲

揚也夫輕浮之俗前志病之藉土地之膏沃賤樸誠而
貴衰奇富擅魚鹽利競刀錐農不勤畝婦不織機百金
之花千錢之鮪家無蓋藏而費乃不貲觀涼雩之集霰
懼憂患之自罹方賴有識者導其節儉去其澆漓却走
馬以糞田陳蟋蟀之風詩若子之言何乃習非而遂迷
也且吾聞之儒有半畝之宮環堵之室彈琴詠歌取足
容膝亦何必殫剝剔於斧斤恣塗飾於丹漆緣高明而
致瞰轉騰笑於衡泌主人曰然則列真結宇於太空維
摩說法於方丈伊沖漠之爲宗宜清淨之是尙而且輿
馬之盛雜襲乎蕃釐歌吹之喧駢闐乎竹西碧天

普門菩提土木瓌譎金碧陸離控鸞鳳於縹渺懸龍象
之威儀擲金錢而不惜並風俗而可移客羨仙人之鶴
戶畫文殊之眉玉勾洞裏春在兜率宮中夢歸上界官
府亦可爲華嚴富貴甯不知結蒲鍊石行與子期客曰
余受孔子之戒未暇究心於二氏矧妖亂之志戒於往
史聞黎之鐘聞之莞爾禪鑽未能仙贊可恥毋眩惑於
將來請折衷於要理主人曰天塹之險魏武阻臨江之
威焉蕪城之賦參軍興憫亂之悲焉或亭餘戲馬之號
或樓有籌邊之至背危競進凌波欲飛蒼頭公來蒙楯
而克敵黑雲都起浴鐵而致師人非佳兵地乃用武思

猛士之弓刀想大將之旗鼓雜紅樹以搖烽激寒飈而
響弩方將召蒸徒進虞旅走馬若滅提劍而舞笑英雄
之卅六比精銳於北府此亦有志於時者之所爲也子
願憑軾而觀之乎客曰武不可觀兵不可玩子毋易視
乎三軍吾恐不可以一戰也登崇岡而迴眺企往昔之
英風峻誓軍而慷慨安賭墅而從容韓大儀而尅敵趙
新塘而馘凶莫不摧堅如拉朽取將若撥釐制勝於疆
場之上決策於幃幄之中且夫臣願爲良毋願爲忠至
於櫻鋒冒刃斷脰陷胸血三年而化碧氣十月而成虹
戈戟埋而梅花發衣冠葬而蒼苔封弔國殤於落日颺
神旗於夕風人生到此悲憤安窮方

今世際承平民忘兵革可不用於百年毋勿備於一日將
循江而習流效投醪而均澤彼組甲而被練徒致飾而
無益況暴虎與馮河又先聖之所斥哉主人曰戰之必
慎旣聞命矣若夫游心於翰墨之林博覽乎圖書之盛
匪今自榮惟古爲鏡則人稱書簾地號選樓提鉛握槧
沿墳襲邱通蝌蚪之古語慕蠹魚之仙遊奧衍莫窮新
奇足喜小說本於虞初勾股詳於周髀冠述者知天文
履絢者知地理抽淪掇潛出神入鬼名山有藏煙海無
底亦有綵筆仙人詞壇冠軍歌翻九曲月寫二分騰碧

笥之涼酌餞紅藥之濃春唱酬互作謠詠相聞一則出新杼以呈美一則借餘糧以饋貧知子之學於舊史氏也曾亦有取於斯文乎客曰以子之願則宏矣然華而不實博而不精猶侈靡之爲害胡沾沾而取盈獨不見聖天子之惠我儒生乎度宏規而建閣被文匯之嘉名森寶樹之熠爛光昱昱而英英瑤華西邁而龍夾宛委東接而鳳迎發秘象於奎壁鏗奇奏於韶謨是謂包萬有是謂集大成然而香籤之豔則黜而勿登青詞之鄙則削而弗仍分宵緝典練日陳經蓋奏御者不知幾萬億帙而

刪繁就簡惟稟諸

離照之聰明故能章謨典之訓揚和樂之聲夫積千狐之皮不如焦腋而製也漬雙雞之膳不如取洎而饋也苟窮大而失居究颺燄而易失或古人之未窺已詞章之自伐恐日逐於浩唐徒自彫其齒髮主人乃憬然神悟緬然意欣避席而起曰有味哉由子之言豈徒文字之謂使由奢而返約去僞而歸真夫亦何道之弗臻哉則試以之勵人心善風俗教農蠶訓敦睦鹽鐵議罷於伯威珠貝示禁於君玉命羅適使課桑舉劉晏以治粟廣川明道以彌教晦叔惠氓而作牧吏悃悞而無華民孝弟而尚樸庶比戶之可封何此邦之不穀若曩之談譬蓼蟲

之忘辛祇自徇於所欲蒙西子之不潔願三釁而三沐
特不識子既言之有徵矣抑亦用行之可卜乎客曰夫
言者心之聲也虛車之飾君子勿爲豈匡居服習而不
可見於措施惟予有犬馬之疾不能從事於斯幸見泰
階之平

聖化醕

濃浸淫流溢有一夫之不獲已卹然其若失故賢者在
位能者予秩統大魁而爲笙則咳華之音發矣子能躬
自濯磨毋桐好逸亦都人士之望也垂光虹霓正在今
日勉之哉青山咫尺白雲招子別子江渚歸吾故廬被
褐帶索歌唐詠虞素琴三尺濁酒一壺

揚州府志事志氏族表圖說三門記

國朝 阮元

自古史傳人事與地理相爲經緯者也人事月改日易
而終古不易者地理也同一郡縣山川在漢某年爲治
爲亂在唐某年爲失爲得賢良之拊循忠烈之嬰守災
害利弊前史具在修郡志者是宜專立一門以備考覽
揚州太守伊公秉綬以修圖經之事訪於余余爲立事
志一門凡經史書籍中有關揚州府事者編年載之始
於左傳吳城邗溝通江淮迄於順治十六年賈質死瓜
洲之難纂修諸君依余言撰之成六卷三千年事粲然

畢著矣太守以憂去官此六卷稿與各門稿本皆存余家余除服入都巡鹽御史阿公克當阿續修府志延余門生姚文田等撰之余以此門授文田曰勿可改也故此門至今刊成獨詳備特名事志曰事略耳又立氏族表一門氏族表者仿唐書宰相世系表爲之者也一縣之中必有大家舊族新貴儒門以此爲主而收其族凡內官翰詹科道以上外官道府鎮協以上由科甲出身者皆以其姓氏立表首敘先世遷徙之由表中詳載各房名字自生員以上皆附見於表卽如江都甘泉儀徵之耿氏唐氏楊氏常氏鄭氏秦氏許氏阮氏興化李氏

高郵王氏寶應劉氏喬氏泰州宮氏等族各以宰相九卿勳爵督撫等官家自爲譜余皆借而次第輯成表稿惜余入都後當事者有所礙而未之纂也又立圖說一門圖說者以一邑分四鄉以四鄉分都圖每一地保所管之地繪爲一圖周回徑直不過二三里耳圖內爲說曰東西南北至某處有某山與何處相連有某水某路自某處來自某處去所管之地有某村某橋某廟某墓聚十數地保之圖卽成一鄉聚四鄉卽成一邑一邑之圖說須以數十紙計而城池廨宇街巷更在此外此所以爲圖經也惜在官不能集事圖說一門遂止矣余在

雷塘嘗畫雷塘一地保之圖刻爲木板印百紙呈太守屬其頒之縣爲式使各保具此圖遲之又久卒無圖者余路經堡城呼其地保詢之曰若具所管地圖乎若見所頒圖式乎地保曰未之見也縣吏匿其圖曰各保如欲圖式者輸我錢若干故至今未具圖也余瞿然而止不敢再言嗟乎幸地保之未具圖也使再促之未有不轉斂錢於村民者弊之難防如此雷塘一圖余載之雷塘墓記篇後可覽而知其概也

曲江亭記

國朝 阮元

出揚州鈔關東南行二十四里爲佛感洲或名翠洲故

揚子江心所謂廣之濤當在此矣枚乘七發狀廣陵之濤數百言或以揚州無大濤執錢塘江湖以當之誤矣伏讀

高宗純

皇帝廣陵濤辨足以證千古之疑而黜朱彝尊等之論且彝尊惟以山陰縣有廣陵王廟爲據不知宋之諸王封廣陵者三人今山陰之廟安知非南渡苗裔所僑建豈徒江都於山陰耶江海之變爲桑田者多矣瓜洲上下揚塵之地皆古大江旣不能定江濤之必不變爲桑田又安能定漢之濤不在此爲大觀也佛感洲中有紅橋外通江湖萬柳蔭翳不見曦影春桃夏竹映帶於茅

屋釣磯之間秋冬木葉脫金焦兩山並立林表予訪王
布衣豫於洲中紅橋之南乃畫其宅西地數畝而建亭
於竹樹之間名曲江者尊

高廟之說思有以敬明此義而誌此古蹟也嘉慶十二年冬記

北湖萬柳堂記

國朝 阮元

京師萬柳堂者元平章廉文正

希憲

趙文敏

孟頫

宴集

之地朱氏日下舊聞載之康熙時馮益都相國之亦園
鴻博名流多集於此今改拈花寺嘉慶十五年余與朱
野雲處士常游此地補栽花柳頗致延眷道光十八年

予告出都僧請書扁爲書元萬柳堂四字此京城東南隅之萬

柳堂也余家揚州郡城北四十里僧道橋橋東八里亦
岸湖有珠湖草堂乃先祖釣遊之地嘉慶初先考復構
田莊余曾在此刈麥捕魚致可樂也乃自此後二三十
年皆沒於洪湖下洩之水樓莊多半傾圮幸鶯巢故在
歸里次年從弟慎齋謂昔年水大深八九尺近年水小
尙四五尺宜築圍隄北渚二叔亦以爲然於是擇田之
低者五百畝隄之而棄其太低者又慮與露筋祠相對
湖寬二十里宜多栽柳以禦夏秋之水波取江洲細柳
二萬枝遍插之兼伐湖岸柳條插之且舊莊本有老柳
數百株隄內外每個漁亦各有老柳數十株乃於莊門

前署曰萬柳堂可以課稼觀魚返於先疇遠於塵俗數年後客有登露筋西望者可見此間柳色也今因詠萬柳堂分爲八詠一日珠湖草堂二曰萬柳堂三曰柳堂荷雨四曰太平漁鄉五曰秋田歸獲六曰黃鳥隅七日三十六陂亭八曰定香亭此揚州北湖之萬柳堂也

金石志

吳

蜀師甄阮元吳蜀師甄考吾鄉平山堂下濬河得古甄文二日蜀師其體在篆隸間久載於張彥昌金石契中未知爲何代物近年在吳中屢見蜀師古甄兼有吳永安三年及晉太康三年七月廿日蜀師作者然則蜀師爲吳中作甄之氏可知按揚州當三國時多爲施據惟吳五鳳二年係廣陵城廣陵而功未就見於吳志本傳此年純與永安永樂相繼然則此甄爲孫峻所作廣陵城璧無疑矣

唐

劉初嗣暨夫人杜氏墓誌甄二碣一陳本禮古冢記乾隆已丑上巳後三日土人於城南荒原中開土初不知有冢得甄遂及穴穴惟一存黑灰耳破銅鏡一開元錢數十皆應手碎又得瓦缶一誌銘甄二石碣一甄載君姓劉氏諱初嗣江南彭城人遷潤州移家於揚之通化里春秋七十有二唐貞元元年卒葬於江陽縣之清平坊爲其門弟子所志者隋大業元年以刑江爲二尺鄉貢進士劉巨川撰無書夫人名字畫可辨銘方不及二尺鄉貢進士劉巨川撰無以其年耐葬甄誌所載雖無豐功偉節中有泰田府君山梁木等語似亦當時哲儒而隱於蓬蒿者也

宋

仇暨夫人冀氏墓誌石四事蹟詳冢墓志今藏江都梅氏

將仕郎試將作監主簿姜諤墓志銘史原撰嘉祐三

公石阮元二郎廟蔬圃獲石記嘉慶丙寅予過揚州新

似有字痕洗拓之乃熙熙十口三公石口數字熙字之

熙耳十字似是清字蓋以熙為年號踰十年者在宋惟清

置準提庵東廂內并記之大使府甄劉文淇考咸豐

北平山堂後之東麓村人掘地獲古甄其文為大使府

造四兼安撫使之此甄乃南宋時修城所造蓋南宋時守揚

者例以揚州為治所例皆兼知揚州而使名加大字者

惟賈似道李庭芝二人似道之守揚州初授制置大使

繼授安撫大使又為兩淮制置大使然人喜引為庭芝之

軼事而不樂言似道之遺蹤也今藏江都謝守之家

承務郎通州同知劉公墓表徐東撰葉仲流書虞

明

宋胡安定先生講學故址碑楊瞻書嘉

嘉靖十七年岳東升撰安定祠碑朱登

以上俱在泰州寶應浚得寶河碑

刻石呂相撰文江陵知縣朱訥墓誌銘崔鈺撰文

朱應登墓碑顧璘撰文參政朱應登墓誌銘李夢陽撰

漢臧陳二烈士祠碑熊尚文撰萬曆十二重修泰山書

院記陳應芳撰萬曆三

十六年在泰州

清易州府志

卷之二十三 金石

十二

事略志

咸豐三年春二月粵賊林鳳祥等率眾陷揚州儀徵揚州協副將朱占鰲便北汎把總田登仕江都教諭黃元

灝死之

平定粵匪紀略

粵賊洪秀全既陷金陵與楊秀清計遣偽丞相林鳳祥羅大綱李開芳曾立昌等率賊東下時鎮江已陷二十日陷儀徵二十三日遂陷揚州先是揚人江壽民畫饋賊之策鹽知事銜張翊國上書大吏極斥其不可時漕運總督楊殿邦防堵揚州翊國自率勇縛

壽民獻於殿邦殿邦釋之賊至殿邦倉卒退守壽民自縊死賊既得鎮揚乃分援浦口瓜洲儀徵各要隘徧立土壘以阻我南北之師上同時兩淮運使劉良駒及前任運使但明倫同在防所賊於二十三日申刻陷城漕臣及兩運使皆乘舟先至上游退守府縣亦不知去向奏聞分別遣戍革職新採都榮

森字子秀浙江海甯州人道光癸卯舉人任儀徵縣知縣咸豐三年賊逼城下開門出擊遇伏陣亡時奇兵營游擊外委宮立幹張大鷗胡宗興並死之

新採馬國棠浙江石門人四品銜兩淮候補運判奉

委團練郡城陷與八品銜陳長生率眾抵敵長生與民勇張秉鑑皆受傷殞命國棠與蘇州人孫守源罵賊不屈皆被戕守源母宋氏自縊死給國棠後雲

騎尉兩江總督奏案謝豐昇安徽祁門人兩淮候補鹽經

歷賊至被執罵賊不絕賊支解之挖去心肝拋棄城河僕趙誠亦被害給雲騎尉上同黃槐浙江仁和

人兩淮候補鹽經歷賊匪入城蜂擁公寓刀槍並施立時被砍妻盧氏子才女長姑次姑三姑姪全俱

自縊死給雲騎尉上同方文藻浙江淳安人附監生兩淮候補鹽經歷城陷持刃抵禦賊刀槍並發胞

弟自源長子元杰次子元桂趨前救護均受重傷同時殞命妻殷氏幼子元柱俱自縊死 給雲騎尉上同

汪承霖候補州同賊脅之不從與妻巴氏同死揚續

城殉 黃曙江西宜黃人州同銜南河候補縣丞城

陷絕粒死長子從九品俊次子儒童偉亦自盡兩江總督

案 董培安徽天長人前江蘇候補縣丞丁母憂起

復應赴原掣滇省路至揚州漕督留揚差遣城陷被

執不屈受傷殞命 給雲騎尉上同 黃元灝太倉人

舉人江都縣學教諭城破登明倫堂自縊而死續揚城殉

難 嚴增浙江仁和人兩淮候補鹽大使奉委巡街

城陷帶勇抵禦指揮大罵數賊持刀亂砍肢骸糜爛

而死于志仁亦為賊殺 給雲騎尉兩江總督奏案 喬淑

顏山西介休人兩淮候補鹽大使城陷罵賊被害妻

王氏亦被砍死子汝植不知所終 給雲騎尉上同

顏晉敏廣東連平州人布政司理問銜兩淮候補鹽

知事逆賊迫降不從罵賊被戕母葉氏及妻葉氏媳

梁氏子培詩培謨培誥培史女淮姑婢金桃蘭香春

喜秀英同聲罵賊一齊受害 給雲騎尉上同 章芳

浙江山陰人兩淮候補鹽知事城陷積薪自焚鄰佑

救滅芳鬚髮已然口稱官雖小豈甘為賊所屈絕粒

而死婢女蓮喜殉焉城復起屍並顏如生其姊同居
為故運庫大使張寶忠妻與子張良鈺並絕粒而死

贈芳按察司知事

同

胡光第浙江石門人兩淮

候補鹽知事奉委鈔關門巡查城陷被執不屈死妻

妾子女俱被殺

贈按察司知事

同

江紹武浙江

錢塘人兩淮候補鹽知事奉委巡查賊匪入城團勇

退散紹武指揮大罵數賊持刀亂砍僕陳福救護不

及而死陳福手刃數賊亦被戕死收復後其妻曹氏

覓夫尸不得自縊以殉

給雲騎尉

同上又見揚
城殉難錄

鄭兆升浙江嘉興人兩淮候補鹽知事帶勇防堵城

陷與弟監生兆觀監生兆異候補齋奏廳兆乾同時

被殺妾陳氏王氏兆晉妻濮氏兆乾妻黃氏某妻黃

氏俱自縊死

給兆升後雲騎尉

兩江總
督奏案

陳慶繼

浙江紹興人兩淮候補鹽知事城陷與兄監生慶履

俱罵賊被殺

給慶繼後雲騎尉

同

朱壇順天通

州人候選鹽知事流寓揚州城陷被脅不從身受重

傷越日餓死叔母盛氏女大姑俱絕粒死

給雲騎

尉

同

祝純嘏浙江仁和人江蘇候補主簿與弟候

選教諭同治俱寓揚州城陷罵賊被殺同治側室華

氏僕婦彭氏俞氏僕張松順子一同被戕媳袁氏孫

汝虔投井死

給純嘏後雲騎尉同

此次殉難職

官尚有兩淮候補運判周詒孫禦賊被戕妾女俱自

盡候補鹽大使武林候補庫大使張式瑛皆遇賊不

屈被害候補批驗大使陳大馨罵賊不屈同妾子殉

難候補鹽知事恩善先將妻子溺死旋與妾甥孫女

同時自盡候補鹽知事諸嘉祿罵賊不屈長女增姑

痛憤自縊候補鹽知事孫紹恆罵賊被戕及其子因

培康培嶺培同時被害妻妾媳女六口自縊孫女三

口投井死候補鹽經歷邵錕殺賊多名眾寡不敵被

戕妻媳孫女六口同時殉難錕堂姪廩生邵沅胥生

員郎鎮均自縊死候補府經歷王鴻漸禦賊被戕採

馮槐浙江餘姚人江淮衛四幫千總以衛守備升

用奉委守提江甘兩縣銀兩到揚寓居城內賊至逼

降不從自縊殉難 給雲騎尉兩江總督奏突 田登仕江

都人嘉慶戊寅科武舉咸豐三年委署便北汎把總

二月初與外委孟德慶在便益門外巡防二十三日

城外賊至領兵截殺賊由南門鈔關入城登仕復由

便益門出城前後夾攻眾寡不敵兵丁皆受傷冲散

遂與德慶突圍出衣刃俱血歸寓或勸其移駐他汎

以圖後功登仕誓不與賊俱生遂自縊死女大姑亦

自縊死 給雲騎尉上同 孟德慶揚州營額外外委

與田登仕率兵巡防賊至領兵截殺眾寡不敵偕登

仕突圍出歸寓自縊死母陳氏戚李正芳並自縊死

上同 吳雨亮揚州營候補外委在城團練為賊所殺

妻譚氏聞夫被害亦自縊死 上同 馬湘揚州營額外

外委奉委巡城城陷罵賊不屈被殺 上同 李樹甘泉

人候補外委六品軍功頂戴嗣充鹽捕營稿書在署

守護軍裝賊至署挺身迎擊被截殞命子莊投水死

上同 胡根培九品軍功頂戴與戚韓彭年同居辦團

賊至即持刀亂砍根培大呼抵禦與母饒氏並子女

四人彭年妻汪氏女一均被殺 上同 練勇柴淦高五

彩趙金保范元並在局隨同堵敵受傷殞命地保居

升因賊進城攻局鳴鑼集眾亦並被戕 兩江忠義局案 鹽

捕營守兵陳文銓巷戰陣亡 新採

三月大學士琦善直隸提督陳金綬內閣學士勝保先

後率援師至揚州擊賊勝之 平定粵匪紀略

大學士琦善授為 欽差大臣統直隸河南陝西黑

龍江馬步各兵由河南信陽援揚州初九日陳金綬

勝保營於北路帽兒墩雷塘集初十日破西北賊壘

十二日五戰五勝復營於堡城司徒廟壘破東路賊

壘南路濱近運河賊船林立焚勦略盡城外全無賊
蹤上同 三月初九日陳勝一軍移營至帽兒墩時琦

善營於雷塘集均距賊營數里陳勝分勦城西之賊
琦善飭肅州鎮總兵雙來勦城北之賊皆敗之二十

二日大軍乘霧進攻揚州直逼城下分三路兩翼之
步馬隊搗其巢穴總兵雙來乘勢徑撲北門陳勝一

軍由觀音山進攻法海寺賊巢皆克之賊復添築土
城於東面之五臺山一帶三十日大軍分三路進攻

勝保首先衝入由南路繞至西路遂攻其土城哨樓
悉毀之又燒廿四橋賊營三座雙來攻北門亦毀賊

營四座於是賊之外援悉絕但謀重開矣採新
大學士琦善分軍營於儀徵北門外採新

儀徵陷後賊蹤出沒無常琦善檄西安副都統長春
固原參將張某分馬步軍營於北門外沙岡賊舟揚

帆江中登岸者始少上同
夏四月賊北竄閣學勝保等分兵援勦平定粵匪紀略

賊林鳳祥等率二十一軍北竄每軍數千人犯浦口
攻六合知縣溫紹原以民勇拒之賊遂擾滁州陷鳳

陽 上命勝保會同侍郎周天爵江甯將軍托
明阿由揚州分兵勦之上同

五月閩浙總督慧成署漕運總督查文經左副都御史雷以誠等分營於灣頭鎮陳家巷萬福橋城圍始合平定

粵匪紀略

慧成率宣化諸營由東河赴揚州查文經率漕標徐州鎮各兵參將馮景尼師長鑣率壽春勇淮勇繼至分營東路之灣頭鎮南路之陳家巷雷以誠請廣延豪俊捐資招募自成一軍營於東路之萬福橋同上總兵雙來鹽知事銜張翊國率兵攻城城垂克援師不至不果克平定粵匪紀略

雙來用礮轟塌城垣數處因與張翊國由浮橋進兵

分布雲梯登城殺賊勢已垂克賊乃自焚倚城板樓烈燄薰騰我軍不得下復無救援乃撤兵回營同上

賊據瓜洲內閣中書鍾淮等力戰死之平定粵匪紀略

賊分據鎮江揚州以瓜洲下虹橋為往來要衝紳士內閣侍讀銜中書鍾淮團勇於虹橋殺賊甚眾五月二十九日復與江口水師會攻正接戰風忽轉艇船驟退淮與已革揚州營守備方剛力戰陣亡團勇仍扼虹橋以守同上瓜洲營戰兵童勝林王有信錢松年徐得勝守兵葛永春徐連方李貴於五月初三日在瓜洲王家橋等處陣亡兩江總督奏案瓜洲營戰兵毛

必祥陳永福守兵潘楷傳得元張起貴於五月十九日在瓜洲羅家橋等處陣亡同於牡丹陽人移籍

順天南河候補未入流於五月二十七日指引官兵

路徑遇賊被殺本生叔父汝金罵賊死本生母朱氏

及其姒婦林氏娣婦涂氏姪女次姑三姪學高妾劉

氏四姪學端學端妻朱氏姪孫恆姪孫女大姑三姑

先後絕粒死 給雲騎尉同上又見揚城殉難錄 鍾淮傳見

忠義 虹橋失利衛千總福陞萬清彭馨記名外委

朱定國俱接仗陣亡潛督咨案 虹橋鄉團丁三十名陣

亡張一清倪源興卞維琳夏元泰夏元宏趙源長王

春宋廣隆周長福王恆祥湯恆興季玉珩王兆餘許

戚董昌董樹本孫福奎唐得龍唐元貴殷起亭季朝

仁見兩江忠義居案

兩淮運使駐劄伯鎮新採

新授運使崇綸尙未履任時揚城未復署運使者為

郭沛霖同上

六月東路造樓船攻城總兵雙來陣亡平定粵匪紀略

參將師長鏢以樓船載兵泊便益門設簰渡兵以代

雲梯船已泊城設簰東岸伏兵未至賊見無後應乃

放火焚船不果登總兵雙來攻北城右骸中礮兵勇

負出重圍昏迷中猶大呼登城殺賊越日遂死同上

時慧成等預遣參將馮景尼伏兵東岸以待長鑣船

至而景尼兵無一至者新採楊月桂山西渾源州人

候補衛守備在揚隨營效力奉委解送火藥六月十

五日行至瓜洲虹橋遇賊接仗立斃數賊後賊眾擁

至被戕殞命兩江總督奏案李加德汀都人瓜洲營把總

記名千總六月十五日在虹橋本汛領兵接仗受傷

陣亡給雲騎尉同瓜洲營馬兵常朝華六月十

五日在斜高家田陣亡同

刑部侍郎雷以誠創議捐收釐金助饒平定粵匪紀略

副都御史雷以誠擢刑部侍郎幫辦大學士琦善軍

務時揚州大軍四集饒不支以誠議收釐金以贍軍

饒為以後各省釐捐所自始同時有赦回遣犯錢

江獻策以誠軍營大言不慚以誠冀收為用後察其

形蹤詭異乃殺之邸鈔

秋九月兩淮運使改駐泰州新採兩江總督怡良奏請以運司駐紮泰州督銷引鹽同

冬十一月賊退據瓜洲揚州收復平定粵匪紀略

我軍攻城急江甯賊酋遣偽丞相賴漢英奔奪三汊

河糾合儀徵賊黨同援揚州由東路進直抵揚城二

十七日城中賊眾全股突出合賴漢英之黨退赴瓜

州同

耿元平銅山人徐州中營把總奉調帶兵揚

州防勦十一月十四日出隊三汊河與賊接仗陣亡

給雲騎尉

兩江總督秦案

徐州營戰兵縱系廷蔣永標

王興邦守兵張文德郭殿元王彥明於十一月十四

日在三汊河打仗陣亡

同

徐州營守兵謝成功於

十一月十七日在三汊河打仗陣亡

同

徐州營戰

兵陳榮祖張鵬魁於十一月二十四日在三汊河打

仗陣亡

同

賊陷儀徵旋退

新採

賊之犯儀徵也以揚州圍急賊自瓜洲來援都司毛

三元扼之於三汊河入戰八克瓜揚中絕遂謀道儀

徵據城進犯三汊河與瓜洲相呼應三元力戰却之

賊遁瓜洲儀徵收復

同

哲明官籍未詳管帶西安

馬隊一千人駐紮儀徵北門外沙岡十一月初三日

賊至率三百人出西門迎敵其地多水田泥陷馬足

被圍遇害三百人司日殉難

同

四年春二月揚州軍追勦瓜洲賊總兵瞿騰龍陣亡

新採

總兵瞿騰龍率兵由瓜洲西岸進勦初五日賊傾巢

出鬪我軍兩岸縱兵衝突賊紛潰殲斃三百餘人騰

龍下馬步行持刀殺賊數十人以深入遇害

同

揚

州接仗陣亡者尚有山東高唐營游擊華雲龍署陝

西漢中佛坪營守備周玉喜直隸提標城守營把總

杜芬直隸長垣營游擊白含章守備李自珍同上江

都民勇十六名於三月在虹橋隨勦陣亡劉才鍾毓

薛賢才葉廣蘭丁玉山東正官陳元祿彭延芝丁長

志王加得葛福虎孫朝得王發高黃致和黃致鈞見

潛督江都團丁三十二名於五月在虹橋接仗陣

亡錢松年周福先周殿邦王有信陳永福陳宗祖呂

貴張金標葛永春葛福霈章朝華常朝華童勝林

徐得勝徐連芳束正武邢安見儀徵南圩團丁三名

陣亡康志鳳周德連陳永保

新採未知何月類錄於此

夏六月琦善卒江甯將軍托明阿接統揚州軍新

秋閏七月揚州軍擊賊於瓜洲敗之平定粵

自揚州克復後賊於鎮江瓜洲勾連負壘為犄角之

勢二十八日賊眾逕撲大營時托明阿未至提督陳

金綬遣副將鞠殿華侍衛穆克登額德興阿分途迎

拒斃賊千餘賊鋒大挫同上

冬十月揚州軍大破賊於浦口賊壘悉平平定粵

賊於金陵對江九洲洲下之浦口排木為柵聚石築

壘火藥器械戰守繕備翼老我師將軍托明阿密約

欽差大臣向榮兩路夾擊直搗賊巢所向披靡江

甯賊眾飛檣來援者殲斃無數賊壘悉平同上

五年春三月揚州軍擊賊於江口勝之新採

北固山鎮江瓜洲金山四路賊約期進犯托明阿設伏迎擊破之復與浦口水師會擊焚賊船三百有奇

同上

冬十一月揚州軍於瓜洲外築長圍成平定粵匪紀略

揚州軍與瓜洲賊衆相持已二年瓜洲與鎮江一水相望兩城賊衆往來無阻並時有合竄揚州圖北犯意托明阿諭士民捐築長圍於瓜洲北以扼之賊分水陸來撲我軍擊走之同是年儀徵天安莊圍丁

二十三名陣亡周聚堂王朝興周廷佳周潤常春劉承金陶德先易萬有周大王大才陳

接王德貴余南金余南喜李一儀徵石人頭圍丁二名陣亡周萬龍劉大趙起才周永長高陞毛士林毛小二毛起彭新採

六年春正月揚州軍敗賊於瓜洲新採

瓜洲賊屢出衝突金陵賊分大隊援之托明阿檄副

都統德興阿都司趙樹棠擊賊於土橋尹家橋勝之

援賊亦受創去同顧鎮海江都人候補把總記名

千總正月帶勇三十名在北門守禦賊至接仗受傷

陣亡 給雲騎尉兩江忠義局案儀徵兵丁二十九名在

土橋陣亡張文元周榮周宏亮邱宏恩孫學高丁啟康志宏王有貴龔標談盛遠蔣榮張有禮

何大海宜有才王鶴林談玉魁錢萬魁黃正魁唐德昌戴榮成廷高夏祥年姚得才戴必興王雲高夏建

邦周文高夏國龍
顧永田 新採

三月瓜洲鎮江賊合攻揚州城陷知府世焜參將祥林力戰死我軍進勦旋復揚州

平定粵匪紀略

鎮江瓜州之賊糾合北犯金陵賊又撥大股助之初

一日突陷府城知府世焜參將祥林力戰捐軀江甯

將軍托明阿提督陳金綬侍郎雷以誠皆奉

旨革職加德興阿都統銜為 欽差大臣督辦揚州

軍務以少詹事翁同書幫辦軍務督飭總管西昌阿

等敗賊於陳家橋轉戰皆捷賊遂披靡潰遁十三日

收復揚州

世公祠見祠祀

精於百世此在 聖代褒功之厚 卹典已備

哀榮而極黎民戴德之誠公論必綜名實查前署揚

州府知府世焜幼稟異質長歷華資策名已冠夫膠

庫筮仕先膺平部務迨夫一麾出守理煩要而卓著

循聲三事在公經盤錯而久書上考自賊騎發端於

楚粵遂妖氛接踵於瓜儀揚州當十省之通衢為三

注之保障疆隅殘破非復士馬之精妍城郭蕭條但

見人民之塗炭遠溯下車之始甦民困而起瘡痍允

推折獄之才清盜源而除荆棘好賢禮士懷才者習

兩韜鈴練勇團兵敵愾者修我矛戟行見士民復業

里閭安居孰意劫運未終戰氛復熾土橋外公卽誓師

戒嚴狼烽起揚子橋邊梟施已見羣兇倒馬瑀旗遙指

泣血環甲登陣火器齊施已見羣兇倒馬瑀旗遙指

共看殘寇輿尸俄而醜類鱗奔渠魁麇至譙樓騰沸

城關傾頽維時獨力難支孤忠自矢裹創巷戰猶持

半段之槍勢面衝鋒尚發連珠之箭胡青曉之蹶足

頭及今茲建專祠愈足移風易俗擬於揚郡適中
之所庇材調吉度地鳩工並擬將同時殉難之署揚
州府同知朱守讓三年殉難之江都縣教諭黃元灝
以及及在城死事之官紳士女一併附祀仰遵 國典
用闡幽光俯順輿情特隆祀事為此合詞公籲電情
核轉據實通詳俾得早荷 綸音永崇綽楔妥
英靈於地下春秋之新報維虔昭氣節於人間淮海
之忠貞益勵按世焜例當有傳而事蹟未詳故錄此
以存 其槩 署揚州營參將祥林係受傷墜馬被救得生

後經兩江總督怡良奏奉 諭旨著革職提省

審辦所得卹典著即撤銷 兩江總督奏案 浙齡字雲濤署

揚州府同知丁內艱卸事甫三日賊至遇害 續揚城殉難錄

朱守讓字石祿候補通判署揚州府同知粵匪再

至偕太守世焜守城分赴各門用蒲包實土塞城穴

水關方思背城一戰而刃已及身疊受多傷倒入河

內而殞 新採 程餘熊儀徵人都司銜三月初一日在

三汊河拒賊陣亡 兩江忠義局案 孫寶恆甘泉人六品軍

功三月在揚州城外與賊接仗受礮陣亡 同上

賊陷儀徵旋退 新採

賊由揚州犯儀徵防守之營皆潰三月二十四日賊

遂據城營於北鄉之龍沙集六日遁回瓜洲 同上 儀

徵陳公塘圍丁六名陣亡 趙惟生趙惟懷趙惟石陳大趙元和俞邦慶 同上

冬十一月揚州軍擊瓜洲賊勝之勦平高旺賊黨 平定粵匪

賊踞江浦瓜洲遠近叵命多依倚爲逋逃藪來安天
長間土匪竊發假其聲勢嘯聚於高旺圖北竄德興
阿遣總兵羅玉斌禦於小東店游擊魁霖等督步隊
由東西葛進勦總兵台斐音保等督馬隊分捕餘黨
諸路皆捷盡殲賊之踞高旺者而瓜洲援賊亦爲總
兵鞠殿華分兵迎擊之毀賊望樓營柵俘斬三千餘
人同上

七年春正月揚州軍擊敗瓜洲撲營賊水陸並捷平定粵匪

紀略

瓜洲賊分途出撲大營德興阿檄參領富明阿總兵

鞠殿華副將陳國泰迎勦連奪要隘沿河賊艦亦爲

水師總兵周上法擊覆同上

夏四月揚州軍大捷於瓜洲新採

賊又分水陸並撲大營德興阿遣富明阿擊之於土

橋鞠殿華擊之於四里鋪均獲捷其水路之賊以大

船數十分兩路而進亦爲水師所敗計俘斬一千三

四百人溺水死者甚多同上

冬十一月揚州軍克復瓜洲平定粵匪紀略

賊衆據瓜洲五年憑險負隅遙聯金陵近接鎮江阻

我軍進勦之路德興阿激勵將士定期進攻適賊援

之在南岸者挫於提督和春援路已絕遂於十二日
率將士四面圍勦踰土城而入殲斃千餘人蹋平賊
壘五座其登舟南竄之賊被艇船截擊溺斃無遺瓜
洲遂復江南軍亦同日克復鎮江府城同上

八年秋八月浦口大營潰江北糧臺移至城外淮揚道

郭沛霖請援於各路

郭沛霖日記
知堂筆記

二十日偽英王陳玉成自上游會九洲羣賊越江
浦撲浦口大營德興阿士卒潰散潰兵過儀徵揚州
北奔邵伯鎮二十八日德興阿棄儀徵走泗源溝議
退守瓜洲郡城震驚居民紛紛遷徙江甯藩司楊能

格時辦江北糧臺移軍裝器械火藥於城外五臺山

復移至邵伯鎮二十日德興阿由瓜洲退至沙頭復

營於五臺山糧臺又移至六閘賊由天長竄至甘泉

山德興阿復退走萬福橋賊鋒漸逼城下淮揚道郭

沛霖時駐揚州辦理籌防善後事宜督率民團擇要

扼守通稟各路請撥援兵

見平定粵匪紀畧
暨日知堂筆記

晏鵬

舉寶應人五品藍翎江南督標儘先把總八年四月

初八日在灣頭鎮一帶接仗殺賊多名旋以賊衆蜂

擁被圍於五臺山身受重傷力竭陣亡

兩江忠
義局案

九月賊陷揚州

日知堂
筆記

自浦口兵潰至揚城被圍郭沛霖八次通稟請各路

援師解圍初三日賊眾麴至援兵未至城遂陷上同

泰州州同周濬山東人八年奉調來郡助守城陷不

屈死之新採江都縣典吏王元熙山東人以緝捕敘

功保獎藍翎八年九月城陷時寓北柳巷吳宅當冠

翎頂而出行至大東門遇賊被戕上同

江南軍會北軍克復揚州儀徵新採

賊陷城後焚掠西北鄉欲由黃珏橋犯邵伯警報至

江南江南提督張國樑率兵渡江十四日夜挑選精

銳攻城之東南賊眾出撲國樑率游擊馮觀勝黃靖

分路截殺城不及開江北鞠殿華成明富明阿軍會

攻淮揚道郭沛霖督府縣營汎帶領團勇亦相繼驟

進十五日克復府城次日移師攻儀徵縣城亦克之

上同儀徵民勇劉貴子陳德修謝育明張容興於九

月禦賊陣見續揚城殉難錄及漕督奏案惟奏案

不注陣亡年月尚有民勇姚三周德佩

吳從懷曹步雲曹允剛徐義亭秦松柏曹魯珍徐福

成劉永金馬勇朱得勝姚振福王林王殿楨劉心一

葛文魁張維金王景時陳玉龍薛元靈易文周林之

竣雷善海馬心盛曠起祥李文盛張學梅王自芳張

夢松張名煥陳允名魏中五

未知是否同時姑錄於此

冬十月德興阿奏劾江甯藩司楊能格淮揚道郭沛霖

均落職即鈔

九年秋七月德興阿劾罷江北不復置帥新採

德興阿師久無功為 欽差大臣和春奏劾江北軍

務改歸和春兼轄同 九月賊犯高郵湖西團丁十

九名陣亡吳大年齊福來唐國興郭錦文呂鶴和陳登寶唐錦林花錦蘭翟之冀丁懷忠錢應

德李長興韓保泰顧力元姚方琴 薛金餘路鼎楊菁李金爽 同上 高郵州團丁王

本真於九月十二日在菱塘橋禦賊陣亡兩江忠義局案

冬十一月江南軍疊破江浦逆壘提督李若珠移師駐

揚州平定粵匪紀略

自浦口官軍失利賊東伺儀徵揚州西逼江浦南窺

溧水兇燄復熾和春派李若珠渡江接防進攻六合

平毀江浦西北逆壘二十餘座時六合援賊竄踞紅

山窰截大營後路進圍提督李若珠營糧盡援絕若

珠率兵突出重圍移駐揚州西路同

十年夏四月賊犯揚州大軍擊卻之平定粵匪紀略

天長六合之賊乘間竊發一由陳家集犯揚州一由

東溝窺瓜洲一由僧道橋編筏偷渡襲邵伯提督李

若珠檄副將王萬清統艇師由邵伯湖堵勦參將營

啟綸從三汊河抄擊副都統海全出楊獸醫霸副將

劉成元出陳家集疾趨會攻毀平逆壘賊無算賊

退據陳家集同 高郵團丁十名於正月二十三日

在唐家祠禦賊陣六品軍功王汝槐查榴元瞿友發瞿友興周長林舒標周汝林

袁和尚高永和張萬連見兩江忠義局案

十九日在小界牌禦賊陣同

名於四月禦賊陣練董陸堯年李秀蘭楊哲元陸九華陳景坤王志和李桂祥六

品軍功毛瑞勇目魏慕雲邱英榜余七扣金湧子劉

小入馮意林馮順林馮元林黃正泰李五丁在山丁

連山徐慶春謝良臣秦宏朱長山

楊文鑑周四馮開昌見漕督奏案

於四月在公道橋禦賊陣楊裕元馬大發湯標夏升楊寶見兩江忠義局

案餘

重出

甘泉團丁四十二名於四月在公道橋談家

集送駕橋一帶與賊接仗陣錢長和李伍李得明王參馮開銀馮開金

馮開易許天長呂裕德張起貴張福基張金山金文

連潘楷于長有傳得元姚山毛必祥毛端徐慶國紀

國慶見兩江忠義局案餘重出

五月游擊薛成良叛擾揚州旋就殄滅奏

成良即薛老小原名三元初為逆目據江浦縣咸豐

九年悔罪獻城受降奏更今名以協勦功洊升游擊

隨總兵李若珠攻勦九洲賊壘十年五月突率所

部東犯揚州由仙女廟邵伯沿河竄掠計圖擄奪民

船泝湖西竄天長遁歸老巢勾結捻逆起事經團練

民勇會合官兵登時兜勦殲斃羽黨甚眾副將王萬

清駐紮邵伯督師進勦入湖生擒成良正法梟示新採

六月都察院副都御史晏端書為江北團練大臣江北

民團統歸節制規鈔

先是捻匪於二月竄陷清江粵賊於三四月間連陷蘇常兩郡江北軍情危急故有是

命幫辦團

練則為淮徐道吳棠時捻蹤西逸清江解嚴淮安以西徐海各屬奏歸吳棠督飭練董築圩防禦淮安以東揚通各屬濱臨江湖在在險要且裏下河完善之區賊伺已久晏端書駐紮淮安並於邵伯分設公所督率奏派分辦官紳設局集團訓練親赴各城鎮周歷查閱仙女廟邵伯兩鎮阻河為界乃裏下河屏蔽挑選精壯勇丁協助官軍扼堵俾免侵越復奏留在

籍候補道徐曉峯督修沿江禦潮長隄二百餘里率勇密紮以固江防團練奏案並新採

秋八月荊州將軍都興阿督師駐揚州平定粵匪紀略

督辦江北軍務提督李若珠病不能軍荊州將軍都興阿奉旨督辦江北軍務九月至揚州營於

東關門外五臺山同上

十一年夏四月揚州軍擊賊獲勝新採

江皖各賊合黨分股竄撲揚州一出僧道橋一出儀徵均為已革總兵王萬清等迎勦擊退至十八日餘黨復聚競奔西北鄉搶築卡壘二十一日都興阿飭

營總杜嘎爾游擊刁經明分途迎勦大敗之追殺三十餘里斃賊數千踏平甘泉山等處賊壘數十座

同上

秋八月查拿裏下河已革游勇悉數正法

漕督會奏案

鹽城縣屬之沙溝鎮與寶應高郵興化接壤該縣因江南北避居來此者多僻在水鄉易藏姦宄每有各處革勇往來盤踞滋生事端屢經訪緝未能禁絕晏端書會商署漕運總督王夢齡謂非痛加勦捕必貽巨患特派分辦寶應團練翰林院編修王凱泰督帶練勇協同營縣分投密捕擒獲首犯王得高等餘黨四散逃匿又經各路先後搜獲三十餘名訊明正法

內地一律肅清

同上

是年賊犯高郵湖西團丁李健

起刁在德李培林禦賊陣亡

新採

同治元年春正月擒匪竄阜甯境內裏下河戒嚴

團練奏案

時吳棠升署漕運總督移駐清江賊由宿遷境內下竄派隊迎勦獲勝而後股賊衆麇集安東阜甯地方遼闊防不勝防晏端書先經馳赴清江助守嗣因裏下河告警率同分辦委員泰州分司杜文瀾調集師船駛往射陽湖排紮並先期於鹽城境內堵築長圍集練嚴防該匪聞風遠颺不致深入

同上

二月粵賊繞竄邵伯湖西擒匪竄撲寶應北門均擊退

之同

粵賊復糾黨圖撲揚州都興阿先於城外築壘扼截賊不得逞分股繞竄湖西一帶焚掠副將王萬清駐防邵伯帶隊越河三道迎勦總兵黃開榜亦於高郵湖濱派隊環紮阻賊去路始各潰退捻匪又因鹽阜不敢深入由淮城之西竄至寶應北門對岸地爲柴灘土皆沮洳賊馬陷泥淖中練勇齊渡運河偕同灘民用刈柴刀斫斃棄馬賊數十名餘賊望風而遁時南北交警高郵邵伯介居其中相距僅百餘里民情洶洶晏端書由鹽阜回駐邵伯督飭練勇民團二萬餘人密布運河東岸長隄巡邏防護竭三晝夜之力甫就安貼

甫就安貼

同上

三月揚州軍勦退渡江賊衆

平定粵匪紀略

賊由金陵下擾糾合蘇常之衆十餘萬人渡江撲揚州都興阿知賊衆且銳嚴戒各營勿輕出戰俟賊至登壁擊之殺傷甚多退赴各鄉掠食十三日我軍至徐家集等處誘賊出壘殲戮四百餘人十六日賊由法海寺起至虹橋七里店等處排列長陣都興阿率師直趨虹橋進攻又飭副將左起龍等由三汊河抄擊斃賊千餘十七日賊復以洋鎗隊衝至西門外列

於河西副都統海全迎擊眾寡不敵死之副將刁經明等鳧水往攻都司廖長明率驍騎營五百人奮勇衝遏賊始漸退復派隊分路攻擊賊退儀徵同上

夏四月揚州全境肅清平定粵匪紀略

賊退儀徵後仍分眾四出掠食十一日我軍出隊連敗賊於儀徵北路十二里至等處其竄擾沙漫洲之賊經水師分路截勦賊計窮遠竄揚境肅清同上

五月水師移營駐三江營平定粵匪紀略

江南提督黃翼升奉旨統水師東征於五月間下駛以二營駐浦口四營駐三江營同上

二年夏四月揚防凱撤新採

是歲釐稅所入益短絀軍士月止半饑江甯克復浙江巡撫曾國荃所部軍既凱撤兩江總督曾國藩江蘇巡撫李鴻章思裁軍節饟會疏請撤揚防之軍

詔從之同上

六年冬十二月粵賊賴文光猝竄揚州城外候補道吳毓蘭等迎擊之生擒文光公牘

文光為粵賊渠魁道光三十年金田作亂文光即與其列曾擾安徽河南陝西湖北江蘇山東六省同治三年江甯克復後文光逃至山東糾集餘賊合擒匪

四竄本年十二月初八日由山東維河西岸竄過六塘河並擾清江鹽河十二日竄至仙女廟邵伯鎮時候補道吳毓蘭統兵駐五臺山與提督張元龍總兵陳東友會議追擊並分路馳勦雨夜昏黑追文光至瓦窰鋪檢之復飭所部就各鄉嚴搜餘黨盡殲戮之上同

附祥異

嘉慶十五年四月高郵湖珠兩見高郵州志

十七年秋大水高郵州志

十八年夏儀徵民婦魏氏一產三男儀徵縣志

十九年春興化麥秀雙歧興化縣志 夏秋大旱儀徵縣志

二十年夏東臺麥秀雙歧東臺縣志 秋大水高郵州志

二十一年夏大水高郵州志

二十三年九月高郵地震高郵州志

二十四年秋大水高郵州志

二十五年夏大水高郵州志

道光元年甘泉壽婦卓呂氏年百歲新採

二年秋大水高郵州志

三年五月望後江湖漲溢沿江田廬蕩盡儀徵縣志

四年十一月大風決高堰十三堡田廬多淹沒高郵興化寶應

志同

五年江都諸生梁觀志年八十二歲五世同堂親見七

代觀志之父職員梁崧嘉慶九年夏高郵麥秀雙歧

高郵州志

六年夏大水

高郵州志寶應縣志

秋大水

東臺縣志

七年東臺壽婦湯陳氏年百歲新採

八年秋大水

高郵州志

九年六月高郵地震

高郵州志

十一年五月大雨江湖湧漲漂流人畜無數八月儀徵

地震

儀徵縣志

六月十八日運河決馬棚灣次日張家溝

復溢高郵興化寶應田多淹沒

高郵興化寶應縣志同

十二年秋大水

高郵州志興化縣志

十三年秋大水

儀徵縣志高郵州志

十四年七月高郵地震十一月木介

高郵州志

十五年除夕甘露降

興化縣志

十八年夏大水

儀徵縣志

十九年五月大雨江溢九月儀徵地震十月江湖復漲

儀徵縣志

秋大水

高郵州志興化縣志

二十年五月大雨江溢

儀徵縣志

秋大水

高郵州志興化縣志

二十一年正月至閏三月淫雨九十月至閏三月

大江神燈成隊五月大雨江溢七月江潮高丈餘儀徵縣志

秋大水高郵州志 興化縣志

二十二年七月儀徵土生毛儀徵縣志

二十三年五月至七月大蝗興化縣志

二十四年江都壽婦葉李氏年百歲新採

二十六年六月儀徵地震儀徵縣志

二十八年六月大風雨江溢七月大風雷雨田廬漂沒

八月大風雨江淮湖海同時異漲儀徵縣志

二十九年秋大水江湖並溢以下皆新採

咸豐元年東臺角斜場海潮漲溢決范公隄

六年五月至八月大旱運河水竭

八年東臺壽民劉子俊年百有三歲五世同堂

十年秋大水小六堡漫口

同治五年秋湖水盛漲決清水潭

十一年夏大水

十二年秋大水

十三年夏大水

案節孝志載江都孝女林氏年百歲甘泉卓某妻某氏年百有三歲葉某妻呂氏年百有一歲徐彤妻韓氏及身五世興化楊尚瑜妻姚氏年百有二歲仇有珍妻邱氏年百有三歲寶應王某妻鄭氏年百歲東臺吳維垣妻洪氏年百歲分俱不可考又據新採錄報東臺諸生徐邦翰之妻繆氏卒年百歲其母繆

徐氏百有五歲事載縣志年分亦不可考又職員許文炳之祖母鄧氏現年百歲住徐家集姑附於此

雜志

秦州北門內水關橋西有古槐一株不知歷幾百年矣對醫士張步黃之門張氏於順治初遷居於橋西築堤以護槐根架木扶其枝幹之旁出者天矯龍拏形勢蒼古極一州之鉅觀槐西即陳進士師慶程解元宇光宅也里人遇事頂祝頗著靈驗又東門內松林庵有古松一株陰拓數弓高不出簷盤曲離奇不名一態亦為數

百年物新採

施詔字薌崖儀徵人乾隆二十一年順天舉人選松滋

縣調署公安多惠政公安向有瘟蟲大如箕橫行多足有身無頭秋則出善食苗害與蝗等詔至今捕送視之蟹也當堂煮食民乃恍然自是公安始食蟹而蟲害清後致政卒於家縣志

風車為下河高寶興泰東岸水漑田之用其製中建木為機心以利旋轉四旁架木為之廓繫蓬六或束蒲或束草所成微風則全張之疾風則半張之其卷舒繫以繩其四旁牽以竹纜其下架以輪輪有齒風動則與水車額頭之齒遞應自為轉易以代人力第下河地皆平衍水亦平衍他處則非所宜所謂遷地弗良也然亦足

補農政之闕

新採

嘉慶十五年四月高郵州西門外臨湖石堤傾圯河帥
委員修築有州署幕友夏友香者督工役往來於堤上
日將暮矣忽見湖中城市顯然林木繁茂斷岸一帶小
橋互之橋旁有斥堠列柵拒馬咸備橋上有人持板傘
作迎風急走勢而柳陰之下二驢齧噬於其間其時落
日沈山暮霞四起適當湖中城門隙處金碧萬道沿堤
水紋如縠與夕陽相激盪光怪陸離不可名狀城中炊
煙縷縷人影幢幢傑閣嵯峨浮圖高聳鐘聲如在耳也
晚風乍起而所謂城市林木橋亭斥堠者漸淡漸遠然

已數刻矣嘗聞山東登州萊州有海市四川青州錦城

有山市今高郵更有湖市亦奇觀也

熙朝新語

興化羅漢寺僧成龍通文藝善書法募建樓四十餘間
儲藏經數千卷遂開叢林其徒僧立成苦行焚修乾隆
五十三年大旱設壇祈禱七日不食得甘雨如注乃獲
有秋道光二年夏有僧十餘人出寺刺船而去詢之寺
中不少一僧越三日正殿燬於火十一年僧廣福工琴
能詩偶過此寺慨然有修葺之志募緣數載至十五年
興工上梁有僧十餘人隨眾赴齋堂就食食畢不知所
在人以為殿將焚羅漢出寺殿將成羅漢復歸寺云

縣志

高郵夏慈仲寶晉早以詩見賞於洪桐生太守命入梅花書院肄業且爲言於巖使捐貲入太學旣雋秋闈太守欣喜以爲賞鹽之不謬也慈仲又言己巳日太守作題糕之會其詩最蒙賞擊時有同舍生鄧立誠襍被爲偷兒取去不能預會後太守以漁洋生日和秋柳詩有云名才輩出有誰憐東閣然藜夜有煙九日新詩空落帽寒窗短布孰裝棉蓋指此也後郡伯聞之爲之餉衣致餼焉

靈芬館詩話

儀徵吳杠字仕柏少穎悟善鼓琴太守張古愚賞其音爲錄律呂正義之論絲樂者以示之準杠益知絃徽之

理爰輯琴旨諸說蒼訂爲自遠堂琴譜道光初年有建

隆寺僧問樵雅解琴律問樵學於天心墩寺僧僧固仕

柏弟子也

新探

余嘉連字愛溪甘泉人居城北傍花村村人多藝菊嘉連結廬其地好讀書不求知於時顏其室曰餐英小榭阮文達公予告後時過其地并題楹聯云春華細讀歐陽譜秋色閒吟靖節詩著有心講彙編子鳴謙邑庠生

行略

盧棟字葵生江都監生善製漆器漆砂硯尤見重於時自謂先世於南城外市中買得一硯上有宋宣和內府

製六字其形質類澄泥而絕輕入水不沈甚異之久之
乃知為漆砂所成授工仿造既竭心思始克盡善用之
者咸謂得未曾有今其法尚傳而精巧不逮矣新採

儀徵諸生何醕字樸庵幼聰慧讀書日十行下甫十齡
通十三經稍長學為古今文及古近體詩皆能出新意
里黨以神童目之年十八入邑庠體弱多疾又以攻苦
過度益不支踰年卒卒前一夕夢老僧偕二童子見招
因口占訣家人曰利鎖名纏大可哀偶於烈火見蓮臺
一場春夢而今醒從此塵中不再來未娶無子同人惜
之梓其詩賦稿一卷行世事略

道光二十年間郡城小東門內城跟下忽冒煙旬餘不
止時方隆冬獨是地雪至立消當事者恐蛟伏其下集
眾掘之至十餘丈得二鐵鍋發視並無他物煙亦頓滅
時阮文達公予告歸里或問之曰此為城突主兵火明
年春轅門橋新勝街等地方被火延燒數十家又十年
後遂遭粵匪之難新採

儀徵增生畢光琦字君輔熟精鄭氏詩禮之學咸豐元
年公舉孝廉方正三年郡城陷絕粒死其遺詩云辟薦
新邀 聖主恩愧臣圖報竟無門生前未效涓埃報

一死空留姓氏存揚城殉難錄

江都諸生任雲倬字漢卿城陷與子金詔投井死題絕命詩於壁云儒冠儒服本超然不是凡人不是仙家與綠楊城並破好攜稚子酌清泉自注云不偕稚子赴井恐分老母之食母必餓死萬萬不能保全矣同上

江都諸生吳楨字繼周城陷題絕命詞於壁云那堪枵腹臥寒衾久困危城病易侵身世未明千載恨夜臺難滅畢生心眼前骨肉傷情重戶外烽煙駭夢深清白家聲終不玷茫茫泉路覓知音自注云合家久困城中水漿不入口者三日矣上報君恩下遵祖訓骨肉多人同填此劫可傷也夫遂絕粒死同上

儀徵廩監生程兆棟字玉材城陷舉家自縊死子慶壽歸殯斂諸尸得遺詩於壁間云孝烈關真性愛親不顧身九泉先待汝舉室敘天倫又云不見已三日思兒淚湧泉他生結癡想父子續前緣同上

儀徵諸生王僧保字西御精音律之學城陷絕粒死其絕命詩云耿耿丹忱堅金利鐵憤怒未吐髮衝皆裂一息千秋寸心萬劫同上

郝廷弼明太僕卿忠烈公景春族孫城陷被殺曾題壁云我居王土亦係王臣願忠於國守死忘身同上

監生孫學英暨家屬均於咸豐三年城陷自盡賦詩於

壁云太空無纖塵皎月映潭水萬慮不罣胸闔門今夕
死其子士桂亦賦詩云浩劫已如此人間萬事灰巢傾
卵其覆瀾倒手難回敢負生平志違言百口哀相期今
夜月接踵到泉臺其弟學毅妻王氏自書其襟云吾今
得侍翁姑於地下庶幾無愧姆訓耳新採
方之杏字景春儀徵人就職直隸州知州僑寓揚城癸
丑城陷絕粒死絕命詞曰食盡身亾義不受辱下慰祖
宗上對 君國一姐兩孫同死此屋吾兒歸來埋屍荒

谷同

烈婦鄭氏名蕙字懷蘇又字若仙儀徵人適山陽程作

人名振寄居揚州咸豐癸丑城陷殉難傳其手稿三月
初八地震作云地震驚連口奇災不可當吾生三毀室
今夕九回腸未有回天力難求辟穀方危城民大動無
事問京房自題詩稿後付姨姪巴毓卿云平生自悔近
微名此日真同夢乍醒鷺鳥尙期留勁羽啼鵲何處託
哀鳴解詩曾笑吾家婢語讖還空曙後星生女不育只恐此
心終未死儘教字字化燐青憶子暉弟蜀中云有弟殊
方別今宵汝詎知此生真應劫授命豈能辭骨肉風塵
際 朝廷涕淚時危城千萬命日日盼 王師自刎不
死作絕命詞二首云一死未能求九死須遂志哀哀寸

草心自裁服何罪骨肉如雨散恩情圖報難只將數行
字留與後人看滿庭芳留待作人夫子作用宋徐君寶
妻韻云三月煙花二分明月香車陌上如流變來今日
犀甲帶吳鉤何日 王師雨洗長驅入迅奮貔貅危城
裏天荆地棘不是等閒愁 長淮三百里回頭一笑夢
也休休幸分飛兩地翻謝河洲自顧此身安寄問前生
著甚來由只留得青燐碧血何處十三樓 揚城殉
難錄
陳女瑞雲隨母趙氏居立貞堂咸豐三年賊至趙氏縊
死瑞雲痛之題詩於壁云邯鄲一枕已朦朧回首人間
總是空好月好花皆幻境全名全節是英雄靈萱勉侍

精神粹巖竹完貞志願終 盛世承平應有待何如撤

手付東風 揚城殉
難續錄

張浩庵妻金氏咸豐八年賊至自縊死裏衣上下皆密
縫紉壁上大書云自古有死人誰不然完我清白含笑
九泉厲鬼殺賊猶生之年 同上

舊傳府縣學爲七星地府學泮池有井二嘉慶二十年
阮文達公嘗潛治矣大成殿月臺下亦有二井其一在
神座下不可見縣學無泮池於宮牆外東西各列一井
牆後環以重垣中通複道合而觀之若七星之羅布而
文風之興替實關焉粵逆之亂井爲之塞克復後重加

修浚同治甲子甘泉江璧解首同邑殷如璋亦得京闈
南元洎丁卯泰州顏馴解首庚午東臺朱濤又得武解
元俱府學生一時傳爲盛事自是科名蔚起僉以爲濬
井所致云

新採

